


SISUPO SA NITI SE

SI SIKALEMUHIWA

 . . . lu kopani kakusasana cwana ka Libizo la Mulena Jesu, ni kasamulaho wa kulapela hahulu. Mi kakusasana cwana, Neni si ka zuha ka kuitahanela. Ne ni liyehile nyana, kwa kuzuha, mi Ni sepa kuli mañi ni mañi wa ziba hakuli cwalo, ona fa cwale.

² Ne ni tile kwa lapa, kakusasana omuñwi, kamba busihu bobuñwi, mi bomuyaha mabapa ne ba yemi mwa patelo, bona ni mwana bona wa musizana. Musala bona ki nasi mwa sibaka sa lipepelo la bahame kwa sipatela. Kacwalo nebana ni—ni kota mwa lizoho, mwendi yetelele *cwana*, yena ni—ni manzwi nyana aňozwi kuyona, kasila nyana, ni zeñwi za kuli, “Kuku Branham inge kuli, Na lumela, mwendi 3:43 kamba 4:43, Yenda la 11.” Mi, ni likwahela zetuna za litaku kwa mafelelezo, zeli, “U supezi kufita mo hupulela.” Kacwalo Nina ni liswanelo cwale kuli ni pumule nyana kakusasana. Yeo ki niti, Muzwale Wright, ha u—ha u se uli kuku wa batu?

³ Mi kacwalo Ni sepa kuli boo kona buinyazo bwaka, kanti, Kezeli Kidd, kakusasana cwana, ka ku sa zuha ha uzwa kwa Ohio. Ni ikutwa kuba ya hulile ka myaha ye mashumi, Na sepa, nihaike, kasamulaho wa fani. Kono, sina kaufela mina ha muziba Nina ni mukulyange kwani, mwendi una ni lipaundu ze sebene kamba eiti, lika ze cwalo, mwana ya maswe maswe hahulu ku be Ni kile nabona fateni. Bali, “U bonahala fela inge bo kuku wa hae.” Kacwalo . . . Mi Ne ni bona fela kwa naya, kokuile Billy.

⁴ Kacwalo, maabani busihu, hane nitaha mwa muyaho, kasamulaho wa kuba ni lingambolo fa luwaile, Na katana sikwata sa balikani baba likute kuzwa kwa Georgia ni libaka za fakaufi, mi kaufela neluli kwani inge lu bona limbututu. Mi ki babande. Cwale, bona ki baba . . . Ne ni utwanga nto ya kuli, “Billy, u saba kuli u ka ba loba, mwa ziba. Ki tuto totunyinyani luli.” Mi Ni lumela kuli neli Kezeli Beeler yana ize . . . Ne ni nahananga kuli . . . Na nahananga cwalo ni yena, kono, kasamulaho, afumana kuli ne ba sa lobezi ka bunolo. Kacwalo, Ni sepa kuli ki cona cwalo.

⁵ Maabani musihali Neni na ni kolo ya kuba kwa lapa leliñwi la kezeli wa mwa keleke moo, lapa la mwana hae wa musizana; mi Ni nahana kuli ni yena uteni mwa keleke moo, kone bana ni mulalelo wa kupuzo ya kupepwa kwa Muzwale Neville. Mi nana ni papazo yebonisa limaili yana fitelezi maabani. Mi kacwalo

lu bulela ku Muzwale Neville kuli, “Ki kupuzo ya tabo ya kupepwa,” mañi ni mañi wa luna, kakuli ki muzwale yomunde luli. Mi, luli, yena kona asa fitelela fela myaha ye twenti-faifi, nyana, mane sina na. Mi kacwalo lu i fitelezi fela, ka nako ya bubeli. Foo ki . . . Cwale foo seli kuba muuna muhulu, ha u so fitelezi sisupo seo nako yabubeli, mwa ziba.

⁶ Ni hupula kakusasana wani Frankie Weber ha taha kwanu. Mi nali muyaha mabapa fa munyako otatama kuluna kwanu; mwana hae wa musizana upila ona kwani cwale. U mwa Florida. Mi Frankie ni Na ne lukena sikolo hamoho. Mi Frankie a beya nubu ya hae ya kupuzo ya kupepwa. Mi Ne ni sweli ku kutaza nako yani myaha yemilalu kamba yemine. Na etelela Frankie ku Mulena Jesu. Mi abeya mwateni siemba tuna. Ni sepa neli twenti-tuu. Mi ki ha beya mwateni siemba tuna. Na hupula kuli, “Oh, mawi, kana u talusa kuli Frankie Weber una ni myaha ye twenti-faifi ya kupepwa? Whew! Mawi, Na saba nako ye Ni ka fita fa twenti-faifi.” Cwale Ni libelezi kufita ku zetaalu za ona, kuli cwale, seli fakaufi. Konakuli hakuna—hakuna kuliyeha kuli lifite.

⁷ Ha Ni talima fa ni kubona Muzwale ni Kezeli Kidd mwa lilimo za maete a bona mi ba sa itiisa kuya katata, Ni nahana kuli, “Mulena Jesu, uni swalele ka kubilaela, inge nili wa myaha ye fifite-tuu.” Mi bona . . . Ueza eite, mi Muzwale Kidd ki eite-wani. Kana ku cwalo? Eite-wani. Mi ba sa li ma bulumiwa. Na mi bulelela, zeo li lufa ciseho, nji cwani? Luli kona cwalo. Mulena kaniti ki yomunde ku luna.

⁸ Cwale, kuna ni fela nto iliñwi yemaswe ye Ni saba, kuba ni mukopano mo kakusasana, mi wani ki . . . Ki nto yemaswe, i utwahala inge nto yemaswe ku ibulela. Kono Ni na ni balikani babañata hahulu baba tahanga, kuzwa kwahule luli, kutaha—kutaha kwa lisebelezo.

Ha ni boni ba ha Evans mo, kono bateni mo kokuñwi, Na sepa. Ha ba tondahalangi neba hañwi. Mi mwa ziba buñata bwa limaili ze ba kobocanga sunda ni Sunda ku to teezeza kutazo? Limaili ze mianda ye setini. Habakoni kunanuha musipili olikana madollar a sikisite kuisa sebente ka sunda, kuya kwa keleke, yeo ki niti, nako yeba tahanga kwanu kaufela bona, ni lubasi lwa bona, bataha kwanu, ba lifa.

⁹ Cwale, ha ki zeo fela, kono ki yo fa muzwale yomunyinyani yazwa kwa Alabama, ni yena uzamaya ka mota musipili obata kulikana cwalo sunda ni sunda. Muzwale . . . Oh, mawi! Muzwale “Welt”? [Muzwale uli, “West.”—Mu.] West. Ni . . . U bonahala inge mushimani, ku na. Ki—ki ndate, una ni sishañata sa bana. Kono yena kamita u ni hupulisanga fela, u bonahala hahulu mwanana, yena ni musala hae. Muzwale West.

¹⁰ Muzwale ni Kezeli Palmer babainezi kwa mulaho kwani, babazwa kwa Macon, Georgia.

Ni—ni Kezeli Ungren, bona hañata babanga teni mo, kuzwa kwa Memphis, Tennessee. Kana bateni mo kakusasana cwana? Ni—Ni. . . Babanga teni hañata. Kezeli Ungren ni—ni sikwata sesi zwa kwa Memphis, Tennessee, kafoo, eehe, bainzi kwa mulaho koo.

Mi ki bani babañwi. Na fela. . . Ki babañata fela, ku ba punda. Babañwi ba kubona, bazwa kwa mboela wa Kentucky. Babañwi, bazwa mwa libaka za Chicago. Mi babañwi ba zwa kwa Chicago, ni kwande a Chicago, libaka za fakaufi.

¹¹ La Sunda, Ni utwisisa kuli nekuna ni muuna mo yana zwelela koo kwa California, na inzi fela nako yenyinyani; na bata ku ni bona. Kakuli, Ne ni patehile, kasamulaho wa mukopano. Mi muuna yani akuta, ni si ka mubona.

Yomuñwi hape ataha kuzwa kwa Illinois, kokuñwi. Haiba muuna yani uteni mo, ani neli ma apule a munati hahulu ku e Ni kile na ca fateni. Mi a ni tiseza sizuma sa ma apule.

Mi alimuñwi wa mizwale kuzwa kwa Georgia, Ni sepa neli kona, kamba kokuñwi, atisa tubana yetuna ya ndongo, yetuna *cwana*, mwa mapapa. Mi, oh, Na kona kuica bati!

¹² Ona fa cwale, Ni, kakuli, Ha ni ci lico ze munati mwa mazazi aa, ha ni si ka lica kuzwa fo ba timelezi boma. Ni bata Mulena kaza—kaza pono yenca. Ni sweli fela kunca lico zebunolo, mi kacwalo sina ha Ni. . . zenyinyani fela ze Ni kona kufumana; ni latehisize lipaundi ze mashumi amabeli za bukiti bwaka. Ili mane. . . Cwale, Ha ni itimi lico. Ha ni. . . batili. Zani, ka kueza fela cwalo, zeo ha ki kulifa ku Mulena. U lukela kufa ku Mulena zende zo nani. Isiñi za. . .

¹³ Ni boni Muzwale Sumner ni babañwi kwa mulaho kwani nibona. Kuna ni fela babañata. Na. . .

Inge, Sunda yefelile, Ne ni sweli kupunda sicaba sebe—sene si inzi ni boma, ni lika zeñwi. Ni kezeli ya sepahala luli naliteñi kwani. Ne ni libezi kupunda libizo la musali yani. Cwale, haiba uteni mo kakusasana cwana, Ni kupa swalelo. Alimuñwi wa bona neli Kezeli Beeler, mi yomuñwi neli Kezeli ni Muzwale Steffy. Mi ki babañata luli! Na. . .

¹⁴ Mina kaufela mwa ni ziba hande kuli ha Ni talusi cwalo, ha Ni libala libizo kamba kulibala mutu. Mwa bezi ya likute! Mi fokuñwi naina fela faa, Ni ka punda mutu ya taha fela mwa muhupulo waka. Kono Na. . . Ka seo, Ni talusa sikwata kaufela, mutu ni mutu, mwabona, ki nto yende fela. Mi cwale, mutu ni mutu, ya lateha, yomunde ku luna. Mi luli lwa itumela ka seo.

¹⁵ Mi cwale, kakusasana cwana, lu ka lika kuatumela Linzwi la Mulimu hape. Cwale, Ni bata kubulela cwana, kuli i utwahale hande, kuli Ha—Ha ni tahangi fela kwa mukopano ufi kaufela ku to boniwa. Ha ni tahelangi ku to bulela fela kuli, “Kihande, Nibata fela mwendi kulapeal ku Mulena kuli anife li—li Liñusa

le li ka utwisa fela batu hande ni kuhuwa.” Lubile ni amañata a cwalo, kono, mi lwa itumela ka zeo. Zeo li iketile. Mwabona? Zeo ki zende. Mwabona? Kono ze Ni bata kuziba, ki kuli, “Mulena, U zamaise mihupulo yaka ye kaba tuso kwa sicaba, ye kaba beya bukafu ni Mulimu, yekaba—yekaba—yekaba ezeza nto yeñwi.” Kuli, ha ki ku bayaha fela kuza moya, kono ku ba yaha mwa zibo ni mwa kalimelo ya Mulimu, kuli bazibe mwa kuyemela sila ha si taha.

¹⁶ Ne ni sweli kuambola ku kezeli kwanu yana tilo pota sunda yee, Kezeli Palmer. Ki hali, na bata kuziba mo ne Ni pilela mwa matakanyani. Ki kuli, kona u sa zo taha fela kwanu, mi, eehe, nako kaufela ha Ni fitanga mwa musindi Na kulanga Ni sa kena fela mwatani. Mwa musindi mo ha ki mokunde fela. Lwa ziba cwalo. Kono Mulimu una ni bana babañata mwatani moo. Mi kacwalo leliñwi la mazazi aa . . .

¹⁷ Ni bata Mulena cwale, kuli ni fumane Liñusa le li namile hande lelizwa ku Mulimu. Mwabona? Mi Na, ka tuso ya Mulimu, Ni lela fela kuswalelela kufitela Ataha, fo kikuli konji Hanifa litaba zeñwi. Kakuli Ni ikutwa kuli kulukela kuba . . . Kuna ni se si libelela kuezahala kwanu, mi Ni bata kuziba kuli kuli ki sikamañi. Ni bata kuziba handende kuzwelela ku Mulimu, kuli Ni kone kubulela kuli KISONA SA BULELA MULENA. Mwabona? Mi cwale—cwale mwakona, mina, sicaba, kipeto muka ziba kuli haki—haki na. Kacwalo, Ni bata kulika kulieza cwalo, kuli, kamba, ku utwa ku Yena pili.

¹⁸ Kakuli, haiba Yena abeya Manzwi a Hae ku—ku mutu, kihande, mi kipeto haisali mutu foo cwale; seli Yena. Mi haiba ki mutu ya libulela, ka yena anosi, kipeto halina kutusa ni hanyinyani nihakuli cwalo. Kono haiba ki Yena, yena Linzwi la Mulena, yali ku mutu, Li ka taha, mi kipeto likaba—likaba fela ka swanelo. Zeo kona ze ne lu laezwi ki Bibe, mwa kauhanyo ya 20 ya Deuteronomy, Na lumela, I buzezi kuli, eehe, “Mutalime, mi haiba alimuñwi abulela ka Libizo la Mulena, mi ha li sa ezahali, kipeto musike mwa iseza ngana ku mutu yoo.” Mwabona? “Kono haiba abulela mi li to ezahala, kipeto yoo mu muutwe,” mwabona, “kakuli lizwelela ku Mulimu.”

¹⁹ Cwalo Mulimu kona mwa ezezanga. Una ni mukoloko wa Hae wa kamita o beilwe mwa Bibe. Lwa ziba mwa ku balela litaba zeo hande. Kono kuna ni lika zeñwi, zeo—zeo kwa Keleke ni kwa nako ni lika, zeo Asina ñola mwa Bibe moo, kacwalo Ubeya Linzwi la Hae ku mutu mi kipeto mutu wa Li bulela, mwabona, wa Li bulela. Kacwalo, he, nzila ya kuatula mutu yoo ka yona ki kufumana haiba li ka ezahala mwa li bulelezi. Mi, haiba liezahala, mi lino ezahalanga cwalo kamita, kihande, kipeto luziba kuli zeo li zwelela ku Mulena. Mi luna—mi luna ni sepo, kanti, ya kuitukiseza lika ze sa taha.

²⁰ Ni bata kubala libaka zepeli kamba zetaalu mwa Mañolo kakusasana cwana. Mi Ni bata kubala, pili, kuzwa mwa Buka ya Exoda, mi Ni lumela mwendi mwa kauhanyo ya 4 ya—ya Exoda, ka kukala.

²¹ Mi cwale Ni kona kuzibahalisa hamunze muapula mwa Mañolo aa, Na kona kuzibahaya se Ni bata kubulela fateni ku mina, seo Mulena abeile fa pilu yaka kuli ni ambole, kakusasana cwana. Ha ni zibi sa Ka eza ni sona, kwa sicaba; mwendi ki sa mutu fela alimuñwi moo, mwendi ki sa mutu yali kwande mwa sibaka sa tepu, kwa sibaka sesiñwi. Kono Ni bata kuzibahalisa, kakusasana cwana . . .

²² Na sepa, Sunda yefelile kakusasana, Ne ni kutalize ka za *Paki Ye Sepahala*. Mi Sunda ye kakusasana, haiba Mulena alata, Ni bata ku kutaza fa *Sisupo Sa Niti Se Sika Lemuhiwa*.

²³ Na . . . Muzwale Palmer na sweli kuni bulelela, maabani busihu, kuli Sunda yefelile kakusasana Ne ni ambola fa tuto yakuli . . . kamba na bulezi kuli Ne ni ka bulela, Sunda ye, fa “Likalulo zene za Keleke.” Mi ha Ni ya maabani busihu . . . Na ñolanga. Seni . . . Ha ni zibi kamba mwa ezanga cwalo kamba nee. Kono Nina ni lika zeñata hahulu, ze ni lika kunahana. Ni ba ni sesiñwi, Nina ni ku si ñola fa siemba sa pampili. Mwabona? Mi Na yo talima fateni, mi sene Ni talusa ka sani luli neli likalulo zene. Ne ni bulezi ona cwalo, luli. Kono sene Ni talusa, neli, “Mifuta yemine ya zamaiso ya Keleke.” Mi ka kueza cwalo, Nina ni kukopanya litaba za kale hamoho. Mi mwendi nako yetatama Ni kaba ni yona. Kono si lwala nako yeñata nyana kufita ye Ni nani, nako ya kubala, kuli nibe ni yona, kakuli una ni kuya kwa mulaho kubata mazazi, ni zeñwi cwalo.

Kakuli, mina kaufela, mwa utwisisa kuli ki kai ni kai. Kiñi, lu bata kuziba hande zeama litaba zee lu si ka li bulela kale. Lina ni kuba hande. Kakuli, lu yemi fa, lusweli situlo sesipahami hahulu kufitisisa kuzeliteni mwa lifasi: sa mukutazi. Mukutazi, mi ka buniti kaufela ni kuluka, kukondisa, lu swanela kuba cwalo. Lu swanela kuitinga ku Mulimu fa kueza zeo.

Cwale, mwa Buka ya Exoda, kauhanyo ya 4:

Mi Mushe a alaba ali, . . . bona, habana ku ni lumela, kamba ku utwa linzwi la ka: kakuli ba ka li, MULENA ha si ka iponahaza ku wena.

Mi MULENA ali ku yena, Kisikamañi so sweli mwa lizoho la hao? Mi ali, Ki mulamu.

Mi ki ali, Unepele fafasi. Mi a unepela fafasi, mi wa fetuha noha; mi Mushe asaba fapila yona.

Mi MULENA ali ku Mushe, Otolola lizoho la hao, mi u i nanulele kwa muhata. Mi ki ha otolola lizoho la hae, ni ku iswala, mi ya fetuha mulamu mwa lizoho la hae:

Kuli bakone kulumela kuli MULENA Mulimu wa bo ndata bona, yena Mulimu wa Abrahama, Mulimu wa Isaka, ni Mulimu wa Jakobo, u iponahalize ku wena.

Mi MULENA ali ku yena hape, Beya cwale lizoho la hao mwa sifuba sa hao. Ki ha beya lizoho la hae mwa sifuba sa hae: mi asino li zwise, ambone, lizoho la hae lafetuna mbingwa sina litwa.

Mi ki hali, Beya lizoho la hao mwa sifuba hape. Mi ki ha beya lizoh la hae mwa sifuba hape; ni ku li zusa mwa sifuba sa hae, mi, amubone, la fetuha hape kuba sina nama yeñwi.

Mi ku kaezahala kuli, haiba habana kuku lumela, kamba ku teezeza kwa linzwi la sisupo sapili, konakuli baka lumela ka sisupo sa mwa mulaho.

Mu lemuhe lisupo zepeli, mi ni . . . sisupo ni sisupo nesina ni linzwi. Haluboneñi ni bale timana ya 8 hape:

Mi ku kaezahala kuli, haiba habana kuku lumela, kamba ku teezeza kwa linzwi la sisupo sapili, konakuli baka lumela ka sisupo sa mwa mulaho.

Mi ku kaezahala kuli, ha ba sa lumeli lisupo zepeli zeo, kamba ku teezeza kwa linzwi la hao, u ka ka mezi a mwa nuka, u a sele fa . . . mubu o omile: mi mezi o kile mwa nuka akafetuha mali fa mubu o omile.

²⁴ Mi cwale ku Muhalalehi Joani, kauhanyo ya 1 ni timana ya 6, lubala timana ze, kamba timana yee. Muhalalehi Joani, kauhanyo ya 1 ni timana ya 6. Mi . . .

Nekuna ni muuna ya na lumilwe ki Mulimu, libizo la hae neli Joani.

. . . muuna yana lumilwe ki Mulimu, libizo la hae neli Joani.

²⁵ Mi mwa Ezekiele 24:24, Ni bata kubeya Liñolo le mwateni, kulika kuzwa mwa Testamente ya Kale, kuzwa kwa bapolofita, kutaha mwa Testamente ye Nca; ili kuli mu utwisise kaufela zona hande, kuzwa mwa Exoda, makalelo kuya kwa mafelelezo.

Ezekiele ukaba poniso ku mina cwalo: za ezize kaufela mu ka lieza: mi ha li ka bonahala, fo he mu ka ziba kuli ki Na Mulena MULIMU.

Cwale ha lu i namiseñi litoho za luna hanze lu Mu atumela ka likute cwale mwa tapelo.

²⁶ Mulimu Ndate, lu taha ka Libizo la Mulimu wa Abrahama, Isaka, ni wa Jakobo: Jesu Kreste, ya lukile. Lu taha, ka kuziba kuli Uka lu utwa, kakuli ha lu tahi sina mutu ya keni fela mwa muyaho, kono lutaha ka bundume ni tumelo, ka kulumela Sa sepsize, kuli Uka si eza. Kacwalo lwa kupa, kacenu, Mulena, kuli Wena unge mañi ni mañi waluna yaliteni, ku kalela kwa

katala ku yo fita kwa mulaho wa muyaho, mwahala libaka kaufela, mi ukwalule pilu ifi ni ifi ni kukenya lizebe za luna mwa mupato, kuli Linzwi la Mulimu ya pila litahе kuzwelela kwa Lihalimu, kakusasana cwana, mi lisuluhele mwa lipilu za luna, kuli lukone kulumela, hanze lu utwa Linzwi la Mulena mi sina ha li balilwe ku luna mwa lizebe zaluna kakusasana cwana. Mi lu itumela ku Wena ka Linzwi la Hao. Linzwi la Hao kona Niti.

²⁷ Mi cwale, hanze lubona liholа zemaswe li atumela, buhali bwa Mulimu kaufela bu yo fita mane ni kwa malu. Mi mane seli bukaufi ni nako yakuli sesiñwi si ezahale kwa naha ye Ku hanile yee, kuli kube kupanca kulikuñwi kokutuna ko ku kazwisa naha kuzwa fa mapa kuyundelela kuzwa mwa lifasi, ni bwanda mwa mulaho wa yona, bwa naha ye sa zibi zabulapeli ye ikalezwi kueza cwalo. Mi ka kuziba cwalo, mwa sibaka sa kutaha bukaufi ni Mulimu, ba bonahala kuya kwahule hahulu. Ka kuziba kuli Buka ya Sinulo mane ni kutaha cwalo mwahala Mañolo abulela lizazi lee, kona kuli lu amuhele temuso, Mulena, isiñi kuba baba bunya ni kuina baba ozela, mo lukona kubela. Ha lu nanuheñi ni ku inyunga ili luna.

²⁸ Ha lubeñi ni kutwisiso, kacenu, ye lu si kaba kale ni yona. Mi lipilu za luna lituke hahulu mulilo, kuzwa ka lizazi le, kuli kube mulilo o tumbukile mwa mioyo ya luna o ka hasana mwa naha moo, Mulena, ni bupaki bo bupila kaufela ko luinzi.

²⁹ Fuyola bakuli ni baba imezwi, bona baba tokwile, bubeli bwa mwahala luna ni kwande a luna, sicaba sa Hao, kai ni kai.

³⁰ Fuyola Linzwi la Hao, Mulena. Kenisa mutanga Hao, ni batanga ba Hao ba bateeleza, kuli, hamoho, lukone kutaha bukaufi ni temuho ya kubonahala kwa Hae, kufita sapili mwa bupilo. Ha Ni lapeleli fela bona babaliteni mo, kono ni baba ka teezeza tepu mwahala lifasi, kuli batiswe mwa Keleke ya Mulimu ya pila. Kakuli lu lemuhа kuli kuna ni fela nzila iliñwi yelukona kubela ma membala ba Keleke ka yona, yeo ki ka kupepwa kwa Moya, mi lu kolobezwa ka Moya ulimuñwi mwa Mubili ulimuñwi. Na lapela, Mulimu, kuli ufi ni ufi wa bona mwahala lifasi, kuli Wena uamuhele kanya ku Wena. Mi lubeñi baba lukisize mioyo ya luna hahulu, kuli ka muhuwo ulimuñwi mwa lifasi, lukone kuhuwa, “Nihakuba cwalo, taha, Mulena Jesu.” Lu lapela cwana ka Libizo la Jesu Kreste. Amen.

³¹ *Sisupo Sa Niti Se Si Sika Lemuhiwa.* Batu babata batile lisupo, ku kalela koo ku Faro kufita ni kacenu.

Mi Jesu na lu bulelezi za—za nako ye ku kataha baba bata lisupo, mi abulela, kuli, “Lusika lo lu maswe mi lwa bubuki lu bata lisupo. Kono, kanti, ba ka amuhela sisupo.” Mi lusika lwani ne lu lukela kuamuhela sisupo sa zuho; lo lukaba lo lu fokola, lo lu maswe, ni lusika lwa bubuki lu ka fiwa sisupo sa zuho.

³² Kono sina Liñolo le libeilwe fapila luna le, mwa Ezekiele kauhanyo ya 24 ni timana ya 24, mupolofita yo na file sisupo. Mi seo kona sisupo se Ni bata kubulela ka sona.

³³ Muuna yo na ezizwe sisupo kwa Isilaele. Mane ni kutaha kushetumuka mwahala Mañolo, Mulimu u itusisize bapolofita ba Hae kuba lisupo. Mi kamita babile batokolomihwa. Ha ba bonahalangi kulemuha sisupo sani. Kamita banze ba talima sisupo sa maikuto.

Neba Bafarisi ba mazazi a Jesu, nebali, “Lu bonise sisupo kuzwa kwa Lihalimu.”

³⁴ Kono Jesu na ba supeza kuli ba ka fiwa sisupo. “Muna ni kale sisupo.” Ali, “Mwakona kulemuha mahalimu. Mwakona kutalima fa sisupo sani. Mu li, ‘Haiba ku fubezi, ku minahani, kamuso lika pazula la malu.’”

³⁵ Kambe ne ba ka talima fa sisupo, ne ba ka Mu talimela, ni kuziba kuli Na li yena sisupo sa Mulimu ku bona; kakuli sipolofita sa bona kuama Yena ne si talelezwa fapila meto a bona. Kono ne ba sa libelela sisupo.

³⁶ Ki nto yenca cwani kuli batu baeza cwalo, kuli ba bata sisupo kanti sisupo siinzi ni bona, mane mwahala bona. Cwale, Isilaele nakeni mwa buino boo.

³⁷ Mi fokuñwi nyandiso yeo sisupo sani sina ni kufita ku yona ya komokisa; nyandiso yana fitile ku yona Jesu, fa kupaka sisupo sa Mulimu, kuli neli Yena Mesia.

³⁸ Lu fumana fa kuli, mupolofita wa mwanana yo wa libizo la Ezekiele ka tundamo nabile sisupo, ka nako kaufela. Mwa na nyandiselize! Sibaka sesiñwi fa lu fumana fa na lobalezi kwa neku lililiñwi ka mazazi a mianda ye milalu ni mashumi a nainte. Mulimu na mu bulelezi kuca manawa ni palica cwalo, kuli kopanya hamoho, ali tatehe, ni ku i tomela zona fakaufi. Mi ayo lobala fafaso, ni kulobalela kwa neku lililiñwi, fela; kusina kufetuhela kusili ka mazazi a mianda ye milalu ni mazazi a nainte. Munahane ka zona. Mi ki hali, “Fetuhela kwa neku leliñwi cwale mi ulobalele teñi ka mazazi a mashumi amane hape.”

³⁹ Mi U bulela fa kuli, “So bona, Ezekiele,” ali, “kakuli u lwezi libi za sicaba, zazi ni zazi Ni ka bala kuli ki mwaha ya bona.” Kakuba, kuli, zazi ni zazi ha na lobalezi kwani, sani ne si talusa myaha yene ba ka yoba mwa bukoba, ni kuli bumaswe bwa bona bu ka hupulwa ku Mulimu, mi Mulimu hana ku utwa litapelo zabona ni kamuta.

⁴⁰ Kono nyandiso yana fitile ku yona muuna yani, kiñi sani hane si tokwahala? Babañata ba bilaezi, kuli ki kabakalañi nto yecwalo haiba butokwa kuli mutu aieze. Ki bakeñisa kuli batu haba balangi Linzwi, mi haba lapelangi. Kacwalo, Mulimu u ipitezi, mi U lumanga mupolofita wa Hae kuba sisupo. Sicaba

hasina kubala. Hasina taba ni kubala. Mi habana kulapela, kakuli bakeni hahulu. . . bana ni lika zeñwi za kueza. Habakoni kunga nako ya kulapela. Mi Bibehe i ba tiseza bulutu. Hana musebezi omutuna kwa mazazi a kacenu aa, kamba mazazi afi kaufela.

⁴¹ Mwa ziba, Ni lumela kuli neli Paulusi yanaize, “Mina mu mañolo a Mulimu, abalwa ki batu kaufela.” Mulimu u itusisanga sicaba kuba lisupo, kuli abonise lisupo za Hae. Mi linako zeñata sisupo sani, mi ni nako ifi kaufela, sihulu, konji haiba si inzi ni sicaba se siketilwe, sisupo seo ha si lemuhiwangwi mi sa lwaniswa, sa somiwa, sa haniwa.

⁴² Mi kulemuhiwa, mane ni mona mwa Testamente ya Kale, mwa mazazi a baplofita, ne ba akalezwa kuli ki batu baba lyangani mwa booko. Ne ba hupula kuli baplofita bani neli lilyangu ze sitani, kuli nekuna ni sene si fosahalile mwa booko bwa bona. Mi ne ba ba bona habazwa mwa lihalaupa mi—mi ba to eza lisupo, mi ni ku kutela mwa lihalaupa hape. Mi ne ba baba bona bukuba, kakuli ne ba sa zibi Mañolo.

⁴³ Jesu na bulelezi Bafarisi, nako yeñwi, ka za zuho. Se bali, “Luna ni . . . Mulao u bulela kuli haiba muzwale ashwa ni kusiya musalahae kusina—kusina bana ka yena, kuti munyana hae wa muuna ange mufumahali yoo mi apepele mululwana hae ya shwile, bana.” Mi bali, “Nekuna ni yana nani banyani bahae ba sebene. Mi mweli a nyala musali, mi ashwa, kusina kusiya peu. Mi munyana hae a munga, mane ni yena ashwa; mane kuyofita ku wa bu sebene. Mi mafelelezo musali a shwa.” Bali, “Cwale, mwa zuho,” bali, “cwale, ukaba musala mañi, ku ba sebene bao?”

⁴⁴ Oh, Na lata Linzwi leo! Jesu ali, “Kamita mwa fosa, ka ku sa ziba Mañolo kamba mata a Mulimu.” Oh, mwa Na ka omanyeza zeo kacenu kambe Naka yema fa! “Mwa fosa kamita, ka ku sa ziba Mañolo kamba mata a Mulimu.” Mata a Mulimu afumaneha mwa Mañolo. “Mwa fosa hahulu.”

Mi ki Ha zwelapili kubulela kuli, “Mwa zuho ha ba nyali kamba kunyalisa, kono ba swana sina Mangeloi.” Na si ka bulela kuli ba kaba Mangeloi, cwale, kono ba kaba inge Mangeloi, maikuto a foso haana kuba kubona. Ha ba nyali kamba kunyalisa.

⁴⁵ Lu pila mwa lizazi la buino bwa nama. . . kamba mazazi a butu bwa mubuso ofela. Kono lizazi la taha le ku ka taha Mubuso o sa feli, mi ona Mubuso o safeli wani kona mo ba ka yo pila ba baliuluzwi. Bona baba liuluzwi, mi bana. . . Bupilo bo buzwa mwa mubili woo, ku kutela ku Mulimu yana bufile, bu ka kuta hape kuzwa kwa Kota ya Bupilo, zazi leliñwi, ku to busa kuyakuile.

⁴⁶ Kuli mutangana yo, muplofita yomunyinyani, mwa na ipezi ni kufa bupilo bwa hae kaufela kuba sisupo kwa sicaba sa

habo, ka koto ye ne ba ka amuhela, bakeñisa kuli ne bakaba se lubiza kuli “kusaizeza ngana.” Neba sa lati kueza sika kaufela ni Mulimu. Ne ba sa lumeli mwa bapolofita bani, mi ba ba bona fela bukuba. Mi, kono, kwanda zeo, mi hakuna taba kamba ne ba sa lati cwani kulumela, Mulimu aeza kuli mane ba li amuhele, kupale kumane.

⁴⁷ Jezebele na sa lati kuitumelela kuli Akabe neli mulisana wa hae, kono nali yena. Mulimu aeza kuli abone sisupo, kupale kumane.

Kona mo iinezi ni naha ye kacenu. Mulimu ya sepahala mi ya lukile, ka Linzwi la Hae, nasike kulumeleza sika kaufela, se lubona ha si ezahala, kusina kuba ni sisupo kokuñwi. Yena kamita wabanga ni sona. Cwale, luna ni si bata. Mi Ni ziba hande kuli batu babana ni kutwisiso hande ka za Mañolo baziba mwa kubatela.

⁴⁸ Nuwe nali sisupo mwa lizazi la hae, kwa sicaba, sa katulo yene taha. Nuwe mwa lizazi la hae na talimwa kuli ki mufitelezi wa tumelo. Na li mupolofita. Na talimwa kuba alimuñwi yana sa nahani hande. Mi muuna wateni angongotela ka swanelo, mwaha ni mwaha, inza yaha areka, mane inge kusina mezi mwa lifasi konji fela analiteni mwa maweluwelu. Mi abulela ka kunuha sika sene si utwahala bukuba, kwa ngana ya butu. Ki hali, “Ku ka taha mezi akawa mwa halimu mwa mbyumbyulu.”

⁴⁹ Hakuna kukakanya, kuli babañata ne na mu bulelela kuli, “Ni bonise ko ainzi.” Ba sayansi ne ba bulela kuli, “Nakona kubonisa kuli hakuna mezi mwahalimu mwani.”

Kono, ibo, haiba Mulimu na mu bulelezi kuli na ka zwa mwa mbyumbyulu, Mulimu na kaeza kuli Linzwi la Hae li talelezwe.

⁵⁰ Mi ha ne kusa bonahali mezi, mane kusikaba kale ni lilu mwa halimu, kwali kuba neba liloteli kuwa, kutikwa, nekusina sika sa kuli pula, ibo, nako kaufela, Nuwe na lukisa areka ya pula. Neli bupaki bo bupila kuli mupolofita yo na lumela ku za na bulela, kakuli na sweli kuitukiseza zona.

⁵¹ Mi mutu ufi kaufela ya lumela kaniti so bulela, u ka itukiseza sona.

⁵² Mwendi Ni yeme fa, ka muzuzu fela. “Ka lizazi la Nuwe,” sina Jesu ha na bulezi kuli, “kona mo ku ka bela ni ha taha Mwana mutu.” Haiba likeleke, kacenu, za lumela mwa litaba zeba bulela, ne ba kaeza ze ba bulela.

⁵³ Lukona cwani kuyaha miyaho yemituna ya mandu, ni ma milioni a madollar mwa miyaho, ni kuhasanya hahulu kwa tutengo ni lika ze cwalo, ni ku kutaza kuil Krete wa taha ka nako kaufela? Lukona cwani kuzwelapili, kotalima fa liputeho zaluna ni kuba bona inge ba keluha kwa mata a Mulimu ni kukena mwa lihalaupa, ni ku litisa mwa keleke ni kulikopanya hamoho, mi lwa li lumeleza? Kabakala kabubo, ni bakeñisa

mihupulo ye zibahala ni kushutana kwa likopano, kulika kufitelela kopano yeñwi, lukona kueza cwani lika ze lu kutaza? Mi lifasi la bona cwalo. Ba ziba cwalo. Kacwalo, bulapeli bubile sika inge kuba fela kwa sikwata fela cwalo ka mulao, kamba kufumaneha kwa katengo ka sesiñwi. Bulapeli . . .

⁵⁴ Puluso ya Kreste ha ki katengo. Ha ki kuikopanya kwa sika. Ki kutwisiso yepila.

⁵⁵ Cwale, Nuwe na sweli kupanga sa na sweli kubulela. Ki hali, “Ku ka taha katulo fa lusika lo lu sa lumeli loo. Mi Mulimu uka sulula mahalimu, pula, mi Uka taza lifasi kaufela ka muunda.” Mi na sa ezi fela zeo, kono nasweli kulukisa nzila ya kusaba ka yona ni kukupa sicaba kuli sitahe ku yona. Kono neba sa mu teezezi.

⁵⁶ Kono, Nuwe, kakuba mupolofita, nali sisupo kwa lusika lwani, sisupo sene si bulelwa zemaswe, muuna yana akalezwa kuba ya pulumukile; kulukisa sesiñwi, kuli neku—neku sina bupaki kai ni kai, kamba nekusina sika, kuli kube ni tuso ya sona.

Kono cwalo kona batu mo ba nahanela kacenu. Bakona kunahana ka za sibuma sa silelezo. Si ka mitusa ñi sibuma sa silelezo kanti mane hakuna neba kota kamba licwe la leika siyala mwa lifasi?

⁵⁷ Luna ni sibuma sa silelezo, Mukreste una ni sona. Sina hane Ni bulezi, Lisunda nyana zefitile, kamba ne ni nahana zeo mwa nzila, “Ha ki sibuma sa silelezo. Ki sibuma se si kwaluhile, mo lu wela fela ku Sona, ka toho, ka lipilu zaluna kaufela, ni mioyo yaluna kaufela, ni ngana yaluna kaufela, ku Kreste, areka ya Mulimu ya silelezo.”

⁵⁸ Kono, Nuwe, ya lyangani, mo ne ba mubonela mwa lizazi lani, ka kuba bukuba bwa kukutaza, ni kueza sisupo fapila sicaba, ku ba fa temuso, anyaza lifasi. “Anyaza lifasi, ka kuyaha areka,” hane kusina mezi kuli i cimbauke kuona. “Anyaza lifasi,” Bibebe ibulezi cwalo, Maheberu, kauhanyo ya 11. “Anyaza lifasi mi apilisa ba ndu ya hae, ka kuitukisa,” mi kakuba sisupo sa Mulimu, sa katulo ye ne sa taha ya lizazi lani. Ha ki nto kwa kanya ni yeo!

⁵⁹ Myaha ya mwa mulaho, kwa taha sisupo sesiñwi. Yani neli Mushe, mupolofita. Sani neli sisupo sa Mulimu kwa Isilaele. Nebali mwa butanga myaha ye mianda yemine. Mi Mulimu aba lukiseza sisupo, tukuluho i si ka taha kale. Mi aba sisupo sa tukuluho kwa Isilaele, ni sisupo sa katulo kwa Egepita.

⁶⁰ Nuwe nali sisupo sa tukuluho kwa sicaba sa habo, ni sisupo sa katulo kwa lifasi le li latehile, ili yasa lumeli. Ona mezi ana minisize lifasi ni kutibisa lifasi neli yona fela nzila ya kupilisa Nuwe ka yona. Nto fela ye ne ka mupilisa neli katulo.

Nto fela ye ka pilisa Keleke kacenu ki katulo, Mulimu ubeile katulo kwa njetumuko.

Kono Nuwe akutaz zeswana. Aba sisupo.

⁶¹ Mi cwale Isilaele, kasamulaho wa myaha ye mianda yemine, bakala kulilela tukuluho. Mi Mulimu ha Ipatululangi ni kuiponahaza Iliyena konji pili sicaba sa Hae ha si itukisize ku amuhela Za bonisa.

⁶² Cwale, oh, zekona kubulelwa ona foo! Haiba ki. . . Kuli mane Mulimu usiile naha ye mapunu. Ba ziba hande. Mitende i li zibahalize, kafa ni kafa ni kafa. Lisupo za Kutaha kwa Hae li bonahalizwe. Mi bazwelapili kuya cwalo inge ba sa li lemuhi. Habana buinyazo ni bobukana. Lu kwa mafelelezo.

⁶³ Mulimu ulumanga fela bapolofita ba Hae haiba sicaba sibata mupolofita. Mulimu ulumanga sisupo sa Hae haiba sicaba si itukiselize sisupo. Kono, nto yateni kikuli, sicaba haki hañata. . . Ba fita fa sibaka fo ba bata maikuto, kamba ba ka bata nto yeñwi, “Lu bonise sisupo sesizwa kwa Lihalimu.” Kono cwale Mulimu haluma sisupo, kipeto ha balati ku si bona. “Kona kuli si patilwe kwa meto a ba babutali ni ba ngana, ni ku patululwa kwa limbututu zekona kuituta.” Ha ba si lemuhi, sisupo.

⁶⁴ Isilaele mwa na lukela kuzibela, mwana ya swanela yani ha na pepilwe, ha ba talima kwande kwani ni kubona ka—ka nako ya myaha yene bapila kuyona, “Sicaba sa henu ikaba linyambangeti ka myaha ye mianda yemine, mwa naha ya kwahule, kono kasamulaho Ni ka ba lukulula.” Ne ba lukela kuziba kuli nako neili fakaufi, mi ha ba bona mwana ya swanela ha pepwa. Kuli, neba bomahe ni bo ndatahe, Amramu ni Jochebedi, ne ba si ka saba taelo ya mulena, kono ba mu beya mwa nuka mone kuna ni likwena; hakuna neba iliñwi yene mu lumile. Neba boni kuli nekuna ni sisupo, kono ba si tokolomoha. Ne ba si ka itukiseza sona.

Mulimu a mu tisa mwahala bona ni ku bulula mwa muleneñi wa Faro, ni kutuhela kuli Faro kasibili amu ute ni ku mu kenya sikolo kaufela sa na lukela kuba ni sona, kubonisa (Mulimu) mo Aezanga lika, mi ni ku muisa kwa mualho wa lihalaupa, ku mu libalisa zona kaufela.

⁶⁵ Ki Faro yana muluta ka nako yani. Mulimu na mu luta. Faro nabile ni myaha ye mashumi amane ya ku mu luta, kasamulaho ni Mulimu anga myaha ye mashumi amane ya ku mu luta, ku mu libalisa kaufela zona. Tuto ya mutu; ni tuto ya Mulimu.

Faro nasweli kuluta mwana kuba mueteleli, muika wa lituto, kuba ndwalume, mulwani, kakuli Faro yomuñwi na taha yana ka to busa Egepita mwa libaka zelumbile, kuwisaka linaha zeñwi kaufela ni kuli lifisa mali ku Faro. Kono Mulimu amuisa kwa mulaho wa lihalaupa, azwisa lika kaufela ku yena. Ni ku mu bonisa, mwa nako yelikana mizuzu iketalizoho, ka sicasani se

situka mulilo, kuli Na li yena Mulimu yapila. Mi azwisa sabo kaufela ku yena; amu lukisa. Na li sisupo.

⁶⁶ Mulimu ubata sicaba sa Hae kulapela. Mi cwale Isilaele aba mwa likoloti hahulu, mwa buino bobucwalo, kuli ne ba palelwa kuzwelapili, nako ya bona ya talelezwa, mi mitiyo ya bona yaba kwahule kufita mo ne ba hupulela, mi se ba kala kulapela. Mi cwale sicaba sa kala kulapela, mi Mulimu akala ku utwa. Neli nako yakuli Linzwi la Mulimu li talelezwe.

⁶⁷ Mi kacwalo, mi Amramu ni Jochebedi hababona kuli neli nako kuli Linzwi li talelezwe, bakena mwa litapelo, ku Mulimu. Mi hañata ki ba ba lapela kona babana ni mutiyo, kona baba amuhela sika. Ki baba lapela, kona baba lukisizwe ki Mulimu kueza cwalo.

⁶⁸ Ne lusweli kuambola kakusasana cwana kwa tafule ya mukushuko hane lu akufela ku yo ngubisana likomoki ni zeñwi cwalo, kutaha kwa keleke. Nekuna ni sene si bulezwi ka muuna yomuñwi yana nani, neli kusili fela, yana kutezi kwa kuzuba makwai kasamulaho amano foliswa kwa kansa. Se nili, “Ha ki makeke ni ao.”

⁶⁹ Kacwalo he yomuñwi abulela kuli, “Yeo ki nto yetata hahulu kuzwa ku yona, ku zeliteni, ki kuzuba makwai.”

⁷⁰ Se nili, “Na ziba cwalo. Kakuli, ki diabulosi.” Mi se Nili, “Ki—ki diabulosi.” Mi se Nili, “Mi haukoni ku ituhelisa konji haiba mata a Mulimu ateni ku wena.”

Ni ziba mitangana bababeli mwa bupilo bwaka bwa makalelo, bubeli bwa bona ne ba bata kuba baana ba Mulimu.

Alimuñwi wa bona, Ni sa feza fela ku muisa ku Kreste, akala ku yakisa kwai. Na zuba tukwakwati totu faifi kamba sikisi ka zazi, neli kuina fela ni kucakula yeñwi, musihali kaufela. Mi alika kulaita kwai yeñwi, mi Sesiñwi sa muhanisa kueza cwalo. Aya kwa sitofu, kusina kuziba kuli Mañolo anyaza lika ze cwalo, mi atukisa sitofu ni ku nepela sikwakwati mwa sitofu. Mi ani neli mafelelezo.

⁷¹ Hape, mutangana yomuñwi yana bata kuba Mukreste, mi alika mwa konela kaufela. Alila ku Mulena. A lituheha, ka lisunda zepeli kamba zetaalu. Mi ha yo itetulula, mwa buino bwani, a lyangana. Mi ha itetulula, ni ayo ipumana kuli uinzi kwa maandamino a ndu, inza nataka kakapa, u lyangani foo. Amatela mwa ndu, kapili luli, ni kupamula kwai ya hae, ni kuzuba sikwakwati asika zwa kale mwa ndu manzibwana ani, neli kutatamanisa fela kuzwa ku wo kutaha ku woo. Mwabona?

⁷² Yomuñwi na bizizwe. “Hakuna mutu yakona kutaha ku Na konji Haiba Ndate u mu bizize, mi kaufela be Ndate afile ku Na ba ka taha ku Na.” Kana temuso neitalusa sikamañi? Ne li Bupilo, ku yomuñwi. Na Bu boni. Hamukoni ku Bu bona konji haiba Mulimu a Bu patulula. “Li patilwe kwa meto abona, ba

babutali ni ba ngana, mi li patululezwi kwa limbututu zekona kuituta.” Yeo ki niti.

⁷³ Amramu ni Jochebedi neba zibile kuli neseli nako. Hola neili fakaufi.

⁷⁴ Mi Ni bata kubulela se ha Ni sweli kuambola ka sona. “Ha ki ya itakaleza, kamba yena yakona kumata; ki Mulimu yabonisa sishemo.” Yeo ki niti. Ki Mulimu.

⁷⁵ Kacwalo, kacenu! Oh, se ha si nwele! Haiba, kacenu, Mulimu wa ku biza, mi u kauhana kwa lika za lifasi, mi mata akanya yeipitezi ya Mulimu aku kenisize kwa lika zeo, ulukela kuba mutu ya table ni kufita ku ba baliteni mwa lifasi. Nekuna ni ma milioni ana kaeza cwalo haiba nebaka kona, kono habakoni. Ha ki za bona kuli babe ni zona. Le ki lizazi foo Keleke ha i bizelizwe kwande, kukauhana. Kwa shutana, mo ne kubelanga. Eeni.

⁷⁶ Batu habakala kulapela, Isilaele ha na kalile kulapelela mupolofita, Mulimu nana ni mupolofita. Mulimu nana ni mupolofita, ka nako kaufela, kakuli Mulimu kamita ukwa pili a bona. Nana ni muuna ya na lukisize kale, kono Na libelela sicaba kuli si lapele, sicaba sina ni kubata cwalo.

⁷⁷ Mo Ni kona kubulelela zeo ni kacenu! Se lu tokwa kacenu ha ki muzusulusi wa bulumiwa, ha ki mutu yomuñwi wa kopano yeñwi yetuna, ya nga likwata kaufela ku lukopanya hamoho. Se lutokwa kacenu ki mupolofita ya lumilwe ki Mulimu, ni Liñusa le li ka nyaza lifasi. Mulimu wakona kuba ni muuna yoo, haiba sicaba si itukiselize yena. Mwa ziba se Ni ambola. Una ni, mwendi, una ni yacwalo kokuñwi mwa lifasi, kono sicaba si na ni kubata cwalo. Mulimu ha katelangi fela lika mwa mumizo wa hao. U lukela kubata cwalo. “Mbuyoti ki yaba bana ni tala ni linyolwa la kuluka, kakuli ba ka kuliswa.” Yeo ki niti.

⁷⁸ Kasamulaho Mushe amano lemuhiwa...Kasamulaho sicaba, nitaluse, si ziba kuli ne si tokwa mueteleli, sa kala kulapela. Ba kala kulapela kuli Mulimu aba lumele muzamaisi, kamba mutu ya ka ba lukulula. Mi Aba lumela muuna, mupolofita. Sani neli sisupo sa Hae. Cwale, kambe muuna yoo na si mupolofita, kambe na hula, inza bulelanga kuli, “Ni muika wa sisole,” Isilaele nana ni tukelo ya ku sa lumela muuna ya cwalo. Kakuli, Mulimu, mwa nako kaufela, kusina kupalelwa, wa lumanga mupolofita. Mubulele nako iliñwi mwa Bibeke yekile yaba teni. Kamita ki mupolofita yo Alumanga ni za kuli KISONA SA BULELA MULENA.

⁷⁹ Neba David, yena luli, ndwalume yomutuna hakalo muika sakata yo Isilaele akile aba ni yena, mi, niteñi, Davida nali mupolofita. Kaniti, nali ya cwalo. Na li mupolofita, Davida.

⁸⁰ Na sweli kulibelela sicaba kuli sibe ni takazo mwa lipilu za sona ya kuutwa mupolofita ya Na lumiwa yoo.

Kakuli, nekuna ni sikwata sene si bulela kuli ne si lumela, sene si sa lumeli. Ne ku bonahalile kasamulaho kuli ne si cwalo. Ne batezi fela maikuto. Mi Bibe ibulezi kuli, “Sikwata se si kopani ne si zamaya ni bona.” Ne si ezize sikamañi? Satisa butata mwa lihalaupa. Mi nako kaufela, zeo ha liezahala. Oh, Ni lakaza kuli kambe Ne ni ka nwelisa taba ye, hande. Nako kaufela yeo Mulimu aluma sika, ku banga malikanyiso amañwi a kashwau, a butu ku sona, akuya ni sona. Nako kaufela, kamita ki sesiñwi, kuli kube ni kulumela kwa kulikanyisa ka sona; zeo lifumaneha mane neba mwahala batu babande.

Kono mupolofita wa luli wa Mulimu uina ni ze li KISONA SA BULELA MULENA. Haana kuzwa kwa Liñolo leo haiba u lumilwe ki Mulimu.

⁸¹ Mushe na inzi hande mwa Mañolo. Mulimu naize, “Ni ka ba lukulula.” Na bulelezi Mushe kuli, “Ni ku lumile kwa musebezi.” Mi Mushe aba ni kutwisiso. Na katani Mulimu. Nana ni Linzwi la Mulena.

⁸² Libaka leo Mulimu alumanga baplofita ki kuli bana ni Linzwi la Mulena. Linzwi la Mulena litahanga kwa baplofita. Mi haiba haana Linzwi la Mulena, konakuli ha ki mupolofita.

⁸³ Kuna ni malikanyiso amañata hahulu a batu baba bulela kuli ki baplofita, mwahala masika kufela, kono kamita ba keluhanga kwa Linzwi la Mulena. Kono mupolofita wa niti uinelela hande fa Linzwi. Cwale, musike mwa libala manzwi ao. Mupolofita wa niti uinelela hande ni sakuli KISONA SA BULELA MULENA.

⁸⁴ Jesu na lu lemusize mwa mazazi a mafelelezo se si ka ezahala. Kono haili—haili mutanga, mupolofita wa niti, ha palelwangi kuinelela hande ni sesili KISONA SA BULELA MULENA.

⁸⁵ Mushe nainzi ni Mulena. Na li yena sisupo. Nali sisupo kwa Isilaele kuli zazi la tukuluho ya bona nelili fakaufi, mi nali yena sisupo kwa Egepita, kuli lizazi la kufela kwa bona nelili fakaufi. Kakuli, neba tibile mwa Liwate Lelishwile, kasamulaho, neli mpi kaufela ya Faro. Nebali kwa mafelelezo a mata a busole bwa bona, mi mupolofita nali sisupo sa kufela kwa naha.

⁸⁶ Munahane ka sona, ka mo Mulimu abezi yomutuna, ni bunyinyani mo Abelekela. Luli, haiba ya si ka ituta wakona ku utwisisa, ya itutile ulukela ku utwisisa. Amen. Haiba batanga mwa misima ya sileze sa Egepita ne ba kona ku utwisisa kuli yani neli mupolofita yazwa ku Mulimu, mi hola i fakaufi, muleneñi wa Faro ulukela kuziba cwani ni kufita. Kono wani kona mufuta o sa li zibi. Wani kona mufuta o mbwinja lika, kamita. Mi seo . . .

⁸⁷ Mushe ayema, inza talima mwa mahaulo ani, fa bana ba Isilaele bani inge ba fita. Ku Isilaele . . . Ku Faro, nebali batanga ni linja. Ku Mushe, nebali baketwa ba Mulimu. Bibe ibulezi, kuli, “Mushe aketa,” aba ni keto ya hae, aikezeza keto ya hae, “kuli anyande maswabisa a Kreste, atalima kuli ki bufumu

bobutuna kufita kuikola minyaka ya sibi, kakuli na talima mupuzo.” Mushe na ziba kuli nebase balubi ba sileze fela; bani nebali sicaba sesina ni sepišo.

⁸⁸ Yena luli, na zibile yo nali yena. Na si ka ba buleleli. Ba lukela ku lemuha, bona kasibili. Na ziba, yena kasibili, seo musebezi wa hae noli sona, kuli—kuli u ezwe. Na zibile kuli Mulimu na mu bupezi ona musebezi oswana, kono na sa ba buleleli. Mi haibile fela nebali libofu ku sona, na si ka ipatulula patalaza, kono ha ba yo lemuha. Mi, ba bona sisupo sani, mi ba si ziba.

⁸⁹ Ki hali, “Ni kafa Isilaele sisupo. Inga kota ye; ya fetuha kuba noha. Haiba habana kuteeleza ku zona, kipeto ubeye lizoho la hao mwa sifuba sa hao, ni ku lizwisa, u ikalafe kwa mbingwa, kipeto ba ka lumela. Mi cwale, haiba habana ku kutwa, mezi a zwile mwa Nile, u a sele fa mubu o omile, mi mezi kaufela akafetuha mali.” Sani neli sisupo sa naha. Sicaba si ka si lumela. Mi, bona baba itukisize ku li amuhela ba ka li lumela haba bona sisupo sa Mulimu si zamaya, kono naha ina ni kuba ni nto yeñwi yeshutana. Kacwalo, Abafa sisupo sa zona kaufela.

⁹⁰ Mulimu na itusisa mutu, muuna ya ya ishuwile, mupolofita, kuli abe sisupo sa mafelelezo a buino bwa naha kwani. Mulimu, lu lumele yomuñwi. Alu zuseze yomuñwi hape. Haiba sicaba sa Mulimu ne ba ka lapelela zecwalo, Na ka mu tisa. Fela, batu bana ni kuba ni mutiyo woo. Bana ni ku zuha. Bana ni ku lemuha. Ba na ni kuziba lizazi le lupila ku lona, ni mo buinezi buino ni luna, ba si ka zuha kale.

Mu zwelapili fela kupila sina mo mubezi mupilela kamita. “Mu yo yaha lapa lelinca mwaha woo. Ni lukela kuba ni mota yende kufita yabo Jones. Ni lukela kuesa se.” Oh, ki zeñata hahulu ka se! Haiba mulemuha, hakuna taba. . . Zeo li lukile. Kono mulukela kulemuha, muzwale, litaba zeo kaufela li ka fela.

Jesu naize, “Musike mwa saba ya bulaya fela mubili,” ndalamiti ya atomic ya Russia. Musike mwa saba ya ka fetula mubili wo mwa liluli la musili wa toholo, mwa mizuzu yelikani, “kono musaze Yena yakoa kufetula mubili woo ni ku nepela moyo mwa lihele.” Yeo luli ki yona.

⁹¹ Sina hane Ni bulela ku dokota, mwa sipatela boma hane bali kwani, nasweli kubulela butuna bwa sayansi mo buinezi, kubeleka fa liemba za mubili, ni kubeya mulyani ku zona, ni kubona mo likona kubulaela likokwani zeñwi, ni kupilisa kokwani ya bupilo. Se nili, “Ki nto yende. Ki nto yende luli.” Na mu teeleeza fa nako yetelele nyana. Kono se Nili, “Dokota, seo ki sesinde. Na itumela ka sona. Ki nto yende luli. Na—Na itumela luli ku Mulimu ka seo. Kono, mutalime, muba ni bupilo bwa mina ka kulika kufumana nto yeñwi mwa pupo. Kono kiñi ka nako yeñwi ha mu sa nahani ka yena Yana ibupile, Kimañi

yana bupile, Kimañi Mubupi wa yona? Mulimu ki yena Mubupi wa yona.”

Ki yomotuna cwani Mubupi kufita pupo Ya ezize! Kiñi ha lubeya hahulu tiisezo fa pupo, ha lu sa nahani ka za Mubupi Yana ezize mahalimu ni lifasi, ni kubupa mubili ni bupilo? Wakona ku u sinya ka nako kaufela Ya lata, kakuli ki za Hae.

⁹² Ye iba nto yende hahulu, kuli abeleke fa mubili wa mutu. Lwa itumela ka zeo. Bakona kushimbulula liito, kuzwa ku yoo kutaha ku yomuñwi; munge tuhala totunyinyani twani, ni kunga liito mwa musima wa liito la mutu ni kulibeya mwa musima wa liito la mutu usili, mi muuna yani wakona kubonisa ka liito leo. Yeo ki nto yende.

⁹³ Ne kubanga cwalo, haiba me, ha na ka pepa mbututu, mi ni—ni mbututu nasike asepwa, musali na—musali na bupilwe cwalo, kuli mbututu asike a pepwa: mahe ni mbututu, bubeli, ba shwa. Yeo ne ilukela. Kono ha mu liutwangi hañata, ne li shutano, mwendi hakusana. Kono kacenu bakona kunga me ha sa bile kale mwa buino bwa kuba ni mbututu, mi haiba he . . . mahe haali fakaufi mwa—mwa linako za kupuluha, musali . . . bakona kunga me yani kumuisa mwa muzuzu ni ku mutaba ndonga ya buloko, ni kuzusa mwana yani, kuba ni kupuluha kokunde, banga mbututu. Lwa itumela ka zeo.

⁹⁴ Mu ni bulelele mulao omuñwi. Mu ka tiba musinga fa sibaka sesiñwi, mwa mulao wa mezi mo mwa muleleñi, mi mutalimele ze ka ezahala kwa musinga omutuna. Muka u pancisa.

Kono, ibo, lwakona kupuma kwateni lihutu, kupuma kwateni lizoho, mi, ka makazo ya Mulimu, Uka fitelela mali ani ka nzila yeñwi, mwa nako ya bubeli, ni kufita mwa nzila yeñwi. Mu ka pilisa bupulo bwa mutu. Ki mañi yakona kueza cwalo? Amu ni bulelele.

⁹⁵ Kupuma kwateni musinga omutuna, kupuma kwateni mupaipi omutuna wa mezi, haiba ukasha kuzwelela fo kutamilwe. Uka eza sikamañi? Mu yo lika cwalo nako yeñwi mufumane se si ezahala. Hakuna mukwa usili wa ku li fitelela. Ana ni ku kutela kwa hape fo kutamilwe.

Kambe Mulimu na si ka lukisa nzila kuli mali ao afite ku yona, kapili, ku sa lyangana nyana fela kwa pilu ki kushwa. Ka nako kaufela ha u taba fateni munwana, neikaba lifu, ona foo. Nako kaufela ha mu puma fokuñwi, fo ne ku ka punya musinga omutuna wa mali kamba nto yeñwi, neikaba fela lifu, ona foo. Kupuma kwateni munwana wa hao, no ka ba yashwile. Ku felile. Na ka kutela kwa pilu ya hao hape. Na ka ku bulaya. Kono Mulimu . . .

⁹⁶ Cwale, lu nahana kuli kinto yende. Lu nahana kuli ki nto yende. Mi lwa itumela sayansi mo i ezelize, bakona kutama misinga yetuna yani kuli isike ya lota mali. Zeo kaufela ki zende. Kono ki Mañi ya Na i bupile? Mwabona? Lu talimanga kai ni kai

mwahala zebupilwe mi lulibala Mubupi wa zona. Mwabona? Lu talimela lika za nama, ni kulibala kaufela za—za moya. Zeo kona ze luezanga.

⁹⁷ Cwale, bapolofita ba Mulimu, bona ki. . . bana ni Linzwi la Hae. Ki kabakaleo batu ha baba lumela.

Ki kabakaleo Mulimu ha na bulezi ku Mushe, Na bulezi kwa mulaho kwani mwa Genese, hañata, mwa Exoda, kutaha mwahali mwani cwalo, “Haiba ku kataha alimuñwi mwahala mina, ya li wa moya, kamba, mupolofita. . .” “Cwale lu ka ziba cwani lika zee?” Na ize, “Ha bulela sika mi sa ezahala, ha bulela sika, mi si to ezahala, kipeto mu mulumele.” Mwabona? Seo ki sisupo.

⁹⁸ Kacwalo Ufa Linzwi la Hae, isiñi kwa bazamaisi, isiñi kwa bahapelezi, kono kwa bapolofita. Khrushchev ha ki sisupo kwa lifasi. Batili, sha. Hitler na si sisupo kwa lifasi. Kono kokuñwi, kwa sibaka sesiñwi, Mulimu una ni mupolofita ya ishuwile ya libelela wa hola. Ki yena sisupo. Ki yena sisupo se si ka nyaza lifasi mi uka pilisa Keleke. Ki mupolofita!

⁹⁹ Elia na li sisupo mwa lizazi la hae, yena mupolofita Elia. Kwa ma. . .

Na li mup-. . . na li sisupo sa Linzwi la Mulimu, katulo kwa Egepita ni tukuluho kwa Isilaele, haiba ne ba bata ku mu lumela.

¹⁰⁰ Lizazi la sibi la Elia lani, fani Isilaele kaufela ha na kutezi ku Mulimu, ne se ba kutezi kwa sibi. Ne se ba libezi mulao. Ne ba libezi ku etelelwa ki Mulimu, mi Jehova yomutuna ya na kwaluzi Liwate Lelifubelu, ni ku ba zwisa mwa Egepita, mi ni mupolofita yomutuna sina Mushe mwahala bona. Ne se ba libezi.

Lwa libalanga. Mina ba Methodist mulibezi John Wesley. Mina ba Lutheran mulibezi Martin Luther. Mina ba Baptist mulibezi John Smith. Buñata bwa luna lu libezi Charles Finney, yomutuna luli mwahala bona kaufela.

¹⁰¹ Ku bulezwi kuli nainte-sebene pesenti ya batu banatisize Finney neba ata. Sebente-faifi pesent ya ba Moody ne ba wile mwa tumelo mwa silimo feela. Mi ba Wesley, sikwata sa ba kukena, ne si wa ka tundamo. Kono Finney nana ni nainte-sebene pesenti. Mutangana, yomunyinyani, yomusisani, wa sitenda aya kwa katala ni kutalima fa sicaba sani, sina *cwalo*, mi batu ne ba welela, kakuli nainzi mwa macacani zazi leliñwi kufitela Moya o Kenile ha u mu swala. Nali cwalo. Na li sisupo kwa kufela, mwendi seli myaha ye mianda yemibeli kwa mulaho, ka za ancafazo yetuna yani yene bana ni Wesleye ni babañwi, ni katulo ye ne taha.

¹⁰² Na li sisupo, lusika lwa sibi lwani. Ni mo Elia na yemezi fani, ka bundume mi ni buhali, ka yena anosi, kusina yomuñwi kwatuko, kono nali sisupo sa Mulimu.

Baika kaufela ba za bulapeli nebaile kaufela bona ni Akabe, mwa mukwa wa zenca. Ne ba se bakeni kuzenca za lizazi lani. Kono kuhula kwa Akabe, kamba, kuhula kwa Akabe, ni za na ipumanezi kaufela zetuna, mi za tisa keleke kaufela mwa Bukato- . . . kamba, isiñi Bukatolika, kono ka neli nto yebata kuswana: kukena mwa bulapeli bwa milimu. Aba tisa mwa sibaka mo ne ba wela neku le ni lani. Babañwi ne ba lapela ka nzila *ye*, mi ni tukuluhlo fela, “Mwakona kueza sika kaufela se mubata.” Ni kukena mwa mufuta wa buino bo bucwalo.

¹⁰³ Ni kuli mane Elia yani inza yemi fani, ka bundume, ni za kuli KISONA SA BULELA MULENA. O Mulimu, lufe baana baba cwalo. Na sa sabi kubulelela Jezabele ka buino bwa hae. Na sa sabi Akabe. Na sa sabi kuli na fosize. A yema ka bundume, ni kutaha ku Akabe, mi ali, “Hakuna neba puka ye ka wa konji ha Ni ka ibiza.” Amen.

¹⁰⁴ Nali sikamañi? Sisupo kwa lusika lwa sibi lwani. Kana Isilaele na si boni? Batili. Ne ba mu sehile, ba mubona bukuba.

Na bulezi kuli ku kaba linanga, kuli ku kaba li—ku kaba butata, tala, lukupwe. Mi a polofita ka bundume, inza yemi fani anosi, ali KISONA SA BULELA MULENA. Ali, “Mulena, ba bulaile baba sephala ba niti kaufela. Ba ba bulaile kaufela. Ki na fela ninosi ya siyezi, ya yemi ni Linzwi la Hao.” Neli butata bwa sikamañi? Bwa Linzwi la Mulimu. Elia na bata kuina ni Linzwi. Na li mupolofita wa niti.

¹⁰⁵ Bapolofita babañwi ne ba bulezi kuli, “Oh, kihande, hakuna shutano hahulu. Jehova hana taba, mwa ziba.”

Jehova wa tokomela. Li lukela kuba Linzwi la Hae. Mi Elia ayema ka bundume fa Linzwi leo, kuli KISONA SA BULELA MULENA. Mulimu na mu file kunutu nyana, zazi leliñwi. Ki hali, “Nina ni baba sebene sauzande, Elia, bao uli paki kubona, kwande kwani. Habana bundume sakata bwa kukona kubulelela cwalo. Ba ipatile mwa macacani. Kono, ibo, mwa lipilu zabona, ki batanga ba Ka. Haba si ka kubamela liñwele la bona ku Baalimu. Ba saba kueza cwalo. Kono, Ni kufa sisupo, mi wena u sisupo. Zwela kwande kwani, mi uyeme fa Linzwi la Ka. Ni ka ku babalela. U bafe sisupo.” Haleluya!

Mulimu, lu lumele nto yecwalo, ya kaba sisupo sa Linzwi la Mulimu. Mi sepišo ya Mulimu kaufela ika yemelwa ku yena mutu yoo, kakuli ki susupo, sisupo se si libezwi.

¹⁰⁶ Oh, ba hupula kuli, kakuli Akabe nali mulena yomutuna mi linaha kaufela ne li mu saba, kuli ne kulikani. Kono Elia nali sisupo sa Linzwi. Yoo ki yena mupolofita wa niti, sisupo sa Linzwi. Kacwalo ha nali sisupo kwa Linzwi, ne ba si ka mu lumela. Ne ba sina tuso ya hae.

¹⁰⁷ Na li sisupo ku mbelwa, fani Mulimu ha mu luma kuzwa fa Lilundu la Karmele, kuzwa kwa . . . kupahama kasa ka Keriti. A muluma kwani, amano fepiwa ki mañwalala, mi kasa ka kalelela.

Aya kwa ndu ya mbelwa yoo. Ki sibaka ni seo kuli mukutazi aye teñi! Kono naile kwani kakuli Mulimu na mu bulelezi kuya teñi. Kono aya kwateni. Ali, “Ni mu laezi kuli aku ute.”

¹⁰⁸ Musali na lukela kuba sisupo. Muuna na lukela kuba sisupo. Mi, ha nali kwande kwani, nana ni bupi nyana fela bo bukwana musulo ulimuñwi, mi musali ni mushimani wa hae bace. Silibelo nyana fela sa ku. . . Mi oli yelikani fela mwa silibelo, ya kulamba, kuli baine ni zona. Musali ali, “Ni zwezi kwanu ku to yakwanela bwandilala bobubeli.”

¹⁰⁹ Kakusasana wani osabisa, o cisa, obabula ha ku to shokomoka muuna muhulu wa mahaha kwa sifateho, limbi zali fwakaa ni kunata mwa mukokoto wa hae, azwela kwani, mi sitenda sa hae sa benya, inza yendamezi fa munyako ikena mwa hae, ali, “Ni tisize mezi nyana ninwe,” ki hali, “kuzwa foo, ni tiseze muñwato wa buhobe mwa lizoho la hao, sinkwa.”

¹¹⁰ Musali ali, “Hanina bupi bobuñata. Se ni tezi kwanu cwale, ki kunopa tukota totubeli, kuli ni ezeze mwana ke sico. Ni na ni fela bo bulikani kuezeza yena ni Na. Lu ka ca kutuha foo lu shwe.”

¹¹¹ Ki hali, “Si sani, kakuli, KISONA SA BULELA MULENA.” Yani ki yena muuna ye lutokwa. Na si wa, “Cwale, *zakona* kuezahala, kezeli. Hakulata *mwendi* li ka ezahala. Ha ni zibi.” Batili, batili. Elia na kolwisa. “KISONA SA BULELA MULENA. Tubana haina kufela, mane ni sona silibelo hasina kukala, kufitela zazi la ka luma Mulimu pula mwa lifasi.” Amen. Ki fohe cwale. Sani ne si lukela kuba sisupo tuna ku yena.

¹¹² Musali yani uyemela keleke kacenu. Kasamulao Elia aina ni yena fa nako nyana. . . Musali nana ni mushimani. A kula. Butuku bwa hae bwaba maswe hahulu kufitela kutokwa kuba bupilo ku yena. A timela. Mi musali aeza sikamañi? Keleke ise iboni kale lisupo zani. Kono, sikamañi, ku sa taha fela butata nyana, kapili ubata kunyaza keleke ka bona. Na bata kunyaza Elia. Ki hali, “Wena muuna tuwe wa Mulimu, cwale utile kwanu ku to ni hupulisa libi zaka ni kunga bupilo bwa mwana ke.”

¹¹³ Elia anga mwana, akena mwa muzuzu fahalimu mwa na lobezi mwani, amu lobaza fa mumbeta wa hae, aikotololela ku yena, ali, “Mulena Mulimu!” Haleluya! “Luma moyo wa mushimani yoo.” Mi mbututu a zuha.

¹¹⁴ A shetumuka ni yena fafasi. Musali yani atalima mbututu, mi ni ku talima yena, ki ha ziba kuli nekuna ni nto yeñwi faani. Musali ali, “Ka se Ni ziba kuli Linzwi la Mulimu li mwa mulomo wa hao.” Amen. Nali sisupo ku mbelwa yani. Ha na boni mata a Mulimu, Yena yakona kupilisa kamba kubulaya, azusa mbututu wa hae yana shwile kwa bupilo, ki hali, “Ka se Ni ziba kuli u muuna Mulimu.” Na zibile cwalo.

Linaha kacenu zakona kuseha, sina mo ne ba ezelize nako yani. Ne ba sa lumeli. Kono musali yani na ziba shutano. Neli

sisupo ka nako yani, sina hanali sisupo, sa kuzusa mwana hae yana shwile kutaha kwa bupilo. Bapolofita bani kamita ki lisupo za Mulimu.

¹¹⁵ Mi Elia cwale abiza kangisano, ali, “Haiba Mulimu ki Mulimu, amu Mu sebeleze. Haiba Baale ki mulimu, mu mu sebeleze.”

Hanili leo neikaba lizazi lelinde la Elia kacenu? Haiba litaba za naha ki mulimu, amu li sebeleze. Ki sikamañi se lu na ni mwa litaba za naha? Ki sikamañi se luezize? Hakuna ze lunani kwanda sikwata sa busholi. Hakuna se lunani.

Kono lu latehisize lika kaufela, mane mulikani kaufela yene lunani, mwahala linaha. Kwanu, sunda yefelile, ku latehisa linaha zepeli kamba zetalu kwa swalisano. Lunga sicaba ni kuamuha mashelēni a bona, ni ku aluma kusili ku yo fepa sicaba sani baba ka fetuhela kwa swalisano ba sa ba fela hande. Ki buipo. Yeo ki niti.

¹¹⁶ Lu ipulela kuba Bakreste. Ha lubeni sina Bakreste, kanti, isiñi ka ku ba fepa lika zecwalo. Zeo lina fela zelikani zeo—zeo. . . Mutu yana ni pilu yende uka eza cwalo. Boo ki bulapeli. Yeo ha ki puluso.

Batu babañata hahulu banga bulapeli ni puluso ba li kopanya. Bulapeli ki kufepa limbelwa ni babotana, ni babañwi cwalo. Boo kona bulapeli. Kono puluso ki Kupepwa sinca, kuba ya pepilwe sinca. Zeo za shutana. Bulapeli, Mohammedan ki bulapeli. Kuna ni bulapeli bobuñata.

¹¹⁷ Cwale, fahalimwa Lilundu la Karme,le, zazi la na bizize kangisano, mi abiza Akabe likitikiti za baprisita bene bali bamwa tempele ya likopano za bona, aba bizefa la Lilundu la Karme,le, ali, “Amutahe kwanu mukabame. Mu ni katanyeze fahalimu faa. Ni ka yemisa sikwata kaufela.” Ki sikamañi sa na ezize? Nana ni kuli KISONA SA BULELA MULENA. Na sa sabi. Ki hali, “Amu tise poho. Mubize Baalimu. Yena Mulimu ya ka alaba ka mulilo abe yena Mulimu.”

¹¹⁸ Kacwlo, musihali kaufela, kuisa. . .kuzwa kakusasana kuisa kasumulaho wa mulalelo, inge batulakela fa aletare. Ba i pazaula. Ba huwa. Ba bopa. Elia inza zamaya kwa ni kwa, ali, “Amu bope katata mutuse. Hakulata u ile musipili ku yo yamba, kamba kokuñwi. Mwendu usweli wa zuma, kamba nto yeñwi.”

Kakuli nana ni zeli KISONA SA BULELA MULENA. Na kolwa. Nana ni Linzwi la Mulimu.

Muzwale, kezeli, ki sikamañi sa tokwa mutu hape kwanda sepiso ya Mulimu? Mulimu na bulezi kuli Uka li kondisa. Ki Abrahamama. Na talima Mulimu kuli uka eza sa Na bulezi. Na ziba kuli Mulimu na ka eza cwalo, kakuli Mulimu na bulezi cwalo.

¹¹⁹ Kacwalo a—kacwalo a ba biza kuli baye kwani. Mi kacwalo ba ipazaula, ni kubopa ni kuhuwa musihali kaufela, ku yofita

kwa sitabelo sa manzibwana. Mi, Elia, mutalime mwa na ezelize lika. Nto yapili ya na ezize neli kupikulusa macwe a twelufu hamoho.

Mulimu ha si ka ikaba. Likopano kona ze aba likeleke, kono isiñi Mulimu.

Yomuñwi naize, “Kana u Mukreste?”

¹²⁰ “Ni wa Baptist.” Kona kuli zeo ha li shutani ni ha ka bulela kuli ki kulube.

¹²¹ Kuli, “Ni—Ni wa Methodist.” Kihande, zeo ha li shutani ni kuba kulube, hape, ku Mulimu.

¹²² Ni li, “Kikuli u Mukreste naa?” Ku ba Mukreste, uswanela kuba inge-Kreste, ulwezi Bumulimu ku wena, ni Moya o Kenile, oswana ni o no wile ka Lizazi la Pentekota. Isiñi maikuto amañwi, kono Ni talusa Pentekota ya niti. Mwabona? Kulukile.

¹²³ “Ni Mupentekota. Ni wa Oneness. Ni—Ni wa bulalu. Ni. . .” Oh, mawi! Zeo ha li shutani ni kubulela kuli u si nto-nto fela. Ha li talusi sika ku Mulimu. Zeo kona zefapahanya.

¹²⁴ Kona ze ne ezahalile kwani mwahala baana ba lituto za bulapeli baani. Kono Elia apikulusa macwe a twelufu ao hamoho, ku bonisa kuli Mulimu ki Mulimu alimuñwi fahalimwa bona kaufela, a apikulusa kaufela hamoho.

¹²⁵ Kacwalo, ha na abeile kaufela hamoho cwalo, a bulaya poho ni kuilobaza fahalimwa aletare, fa likota. Ki hali, “Cwale, ka kubona kuli hakuna kupuma mwa lika zee, amu ni kele lihemele ze twelufu za mezi.” Mi mane kona akolobisa likota zani ka mezi. Oh, Haleluya! Na bata kubonisa kuli Mulimu na li Mulimu. Kakuli, kiñi? Nana ni zeli KISONA SA BULELA MULENA. Na li mupolofita. Nana ni Linzwi la Mulimu.

¹²⁶ Ku cwalo ni bona—bona mo ne ba ezelize ka zazi lani, ha ba kali baka ku leleka mwa keleke, ba ka eza sa *se*, ni sa *kuli*, haiba u kolobelizwe ka Libizo la Jesu, ni lika zeshutana ze kaufela cwalo: bukuba. Kikuli KISONA SA BULELA MULENA.

¹²⁷ Mutu ya lateha, busihu bobuñwi, na ambola ni na, ato ni beya mazoho, mi ali, “Muzwale Branham,” ali, “Ni bata ku kubuza nto yeñwi.” Ali, “Haiba u ka keshebisa nyana fela, fa lika zo ambolanga zee.”

Se nili, “Sikamañi?”

Ali, “Yona kolobezo ye kaufela.” Ali, “Likeleke za Chicago ni zeliteni kaufela li kutabela hahulu, kono ba saba kuli u ka ngunyuta fateni foo.”

¹²⁸ Se nili, “Luli, Ni ka bulela fateni. Kiniti, Ni ka bulela fateni.”

Ali, “Kihande, ki yona fela nto inosi ye ba ku lwaniseza ona yeo.”

129 Se nili, “Kona kuli kanti ha ba ni lwanisi he. Ha ki na yana I bulezi. Ki Mulimu yana I bulezi. Ni swabisa ufi wa bona kaufela ku to ni swabisa ka Yona.” Mwabona?

130 Ali, “Kihande, wa bona, una—una ni kulumela ni kuba ni kutwano.”

Kona nto yeswana yene ba bata kuli aeze. Amen. Ba Mulimu ha ba keshebisangi. Batili, sha. Ha keshebisi.

Ki ali—ki hali, “Cwale, Muzwale Branham, Ni bata ku kubuza nto yeñwi. Kana Lingeloi la Mulena. . .” Ali, “Kaufela lwa lumela mwa Lingeloi la Mulena. Kana Lingeloi la Mulena ne li kubulelezi Seo?”

131 Se nili, “Ha nina taba kamba Lingeloi la Mulena libulela sikamañi. Haiba Lona, lona Lingeloi la Mulena, Halika bulela *Cwalo*. Kono ha ne Li ka bulela zeshutana, Nelisike la ba Lingeloi la Mulena.” Se nili, “Hakuna taba kamba Lingeloi, kamba sika kaufela si bulela sikamañi, Paulusi naize, ‘Kamba Lingeloi lelizwa kwa Lihalimu likutaze evangeli isili ku mina, yo abe anatema.’”

132 Mangeloi ni mutu ufi kaufela, muinuneki wa nama fela cwalo, kubulela ka za Mangeloi. Joseph Smith, Brigham Young, ni milapelo yekopami kaufela, ya ba Adventist ni lika zeñwi kaufela, ba bona mifuta kaufela ya lika ze cwalo, kono kamita za shutana kwa Linzwi.

133 Kono, Mulimu u yemela Linzwi la Hae. Ki Linzwi la Hae. Se nili, “Ki Linzwi la Mulena. Luli. Kaufela ze Ni kile na ziba li lutilwe kuna ka Yena. Na li kuba ni ye kwa mukopano wa bukutazi kamba sikolo. Li zwelela ku Yena.” Kono se Nili, “Kamba za shutana. . . Haiba za shutana ku Sani, Ne ni sike na Mu lumela. Kakuli, leo ki Linzwi la Mulimu, kona lapili. Lika zeñwi kaufela libe lishano.” Linzwi la Mulimu, lika ina ni Lona.

134 Kacwalo, Elia, ha na sa felice, a selaela mezi fa likota zani kaufela, ka lihemele za mezi. A li sululela fahalimu fani. A zwela kwani, ka bunolo fela mwa na konela kuezeza. Kiñi? Mulimu hakoni kupuma. Mulimu na mu bulelezi. Mi ali, “Mulena Mulimu wa Abrahamama, Isaka, ni wa Isilaele, ha ku zibahale lizazi le kuli Wena u Mulimu, mi Ni mutanga Hao. Mi Ni ezize se ka taelo ya Hao, kakuli KISONA SA BULELA MULENA. Ni ezize se kakuli U ni bulelezi kueza cwalo, kakuli ki kuya ka Linzwi la Hao. Ha ku zibahale cwale kuli ki Wena Mulimu.”

Mi Mulilo wa Mulena wa wa, wa cisa sitabelo, likota ze ne kolobisizwe ka mezi, wa omisa macwe, ni lika zeñwi kaufela, ni kuyongisa lika kaufela kufeza. Mi Isilaele a huwa, likiti ze sebene, “Mulimu abe yena Mulimu.”

135 Elia, ha ki bunde ni boo ku mubona, musupali ya otille, wa mubili o kokonyani fela, kota nyana yani mwa lizoho la hae, ni silibelo nyana sa oli inge si beilwe fa noka, ni kaemba nyana ka

mukata wa ngu aitatelize mwateka. Kiñi, ne ba ka mu beya mwa tolongo kacenu ha na ka zamaya cwalo mwa mukwakwa; kono ba tuhelela basali kutina tuputula; kono ne basike baeza cwalo, mwabona, lika ze cwalo, hane lika ezahala. Kacwalo, he, kono ki bao ba taha. Ki bao na tuluka, mwahala sibaka sani, fa lilundu, fa mulamu wa hae.

¹³⁶ Cwale, Lilundu la Karmele ha ki sibaka sesinyinyani—sesinyinyani se si fumaneha mwahala lihalaupa. Ki lilundu lelituna. Li swana, li shendami *cwalo*, mi li yo fita fahalimu, ni kutalima kwabuse bwa liwate. Mi Elia ni Gehazi ba matela fahalimu, fa ngo yalona. Mi Elia awa ka pata kwani, ni kukala kulilela ku Mulimu, ni mukokoto wa hae unzo talimile kwa Wiko, kwa lizazi. Myaha yemilalu ni likweli ze silezi, kusina neba puka ye ne wa. Abulelela Gehazi ali, “Zamaya u talime mi ubone haiba uka bona sika, sesiswana ni lilu fahalimwa liwate.”

U yeme fa lilundu le, utalime neku *lani*, ali, “Hakuna se ni bona.”

¹³⁷ Aina fela ona fani. “Mulimu, haiba sicaba se si bakile, haiba sicaba se si kutezi ku Wena, haiba ba itukisize kuzwa kwa bukuba boo kaufela ni kukutela kwa Linzwi la Hao, kona kuli ki Wena Mulimu, yaka alaba Linzwi la Hao.”

¹³⁸ Amutuhele ni bulele nto yeswana kacenu. Amunge likopano ze ni ku li kauhanya, mulibale lifapano za likopano zee, ni kutuhela sicaba kukutela kwa Linzwi la Mulimu, kwa muhala o kumula. Ni ka mi bonisa kuli kuna ni Mulimu ya sa kona kualaba ka Mulilo.

¹³⁹ Mutuhele sicaba si bize ku Mulimu. Mutuhele. . . ? . . . si bize mutu. Mutuhele sicaba sibize mupolofita. Mulimu uka mu tisa mwa sibaka. Ni kolisa linaha kueza cwalo. Muwe ka lipata za mina mi mubize ku Mulimu, kuli alume mulamuleli, mi mutalime se si ka ezahala. Mueze fela cwalo nako yeñwi, Mulimu uka alaba. Mulimu kamita wa alabanga.

¹⁴⁰ Awa fafasi mi ali, “Mulimu, haibe kacenu. Sicaba se nako yeñwi ne si Ku lwanisa. Sicaba se si ikabile mwa mifuta kaufela ya likopano kwande kwani. Kono, kacenu, U pakile Iliwena. U Mulimu. Mi sicaba sa li, ‘Amu yumbele kwahule Baalimu.’ Mi Ni ba bulaezi baprisita likitikiti. Ha ba sa li yo mwa nzila cwale, Mulena. Zetibela kaufela lifelile, zetibela nyana ze ne lu kauhanya.”

Wa Methodist utabela ku to lapela ni wa Baptist; wa Baptist utabela ku to ba ni Mapentekota; ba niti mwa lipilu kulo kwani, on likiti ze sebene zani. Kono habakon kueza cwalo. Haiba ba eza, ba ka lelekwa mwa likeleke zabona. Babañwi ba kubona habana taba. Ba taha, nihakuli cwalo. Yeo ki niti.

¹⁴¹ Kono kaufela bona ha ba zwe kwa buinuneko bwani mi batahe hamoho, mi bali, “Lu ka libala lituto za litumelo ze kaufela ni tutekisema, ni lika kaufela ze lubanga za zona. Ha

lu kuteleñi kwa Linzwi la Mulena.” Mu talime se si ka ezahala. Mulimu uka ba zuseza mupolofita, Yena luli uka eza cwalo, zeo li ka Mu tisa kubona, haiba ha itukisize ku Li amuhela. Pili, ba na ni ku lapela. Mulimu wa libelelanga.

¹⁴² Kana ha ki nto yetabisa kuli Mulimu ubata kuli sicaba sibe ni kabelo mwateni? Mi Jesu ha talima fa kutulo, A bulela kuli, “Kutulo i buzwise. Bakutuli ki babanyinyani. Mu lapele Mulena wa kutulo,” mi yani neli Yena. “Mu lapele ku Na, kuli Ni lumela bakutuli mwa kutulo ya Ka.” Kona siemba semuna ni kuezua. Mulimu u libelela Keleke ya Hae kuli ibize ku Yena. Yena uezize cwalo kamita. Mulimu u libelezi kacenu kuli sicaba si bize mutanga Hae ate mwa musebezi. Mi mutanga hakoni kukena mwa musebezi konji sicaba ha si lapezi.

¹⁴³ Isilaele na palezwi kuba mwa musebezi kwani, ka lisupo ni ze komokisa, kufitela ba wa ka lipata za bona ni ku lapelela mulamuleli. Mulimu nana ni mulamuleli wa Hae. Mulimu nana ni mupolofita yanili kwani mwa lihalaupa, na mu bulukile teñi ka myaha ye mashumi amane, inza ba libelela kuli ba be ka swanelo, kuli ba lapele. Kono ha ba yo ba hande ni kukale kulapela, mi Mulimu aluma mulamuleli.

Mulimu uka eza nto yeswana ni kacenu, haiba sicaba si ka taha fela hamoho, kukala fela kulapela. Ku lukile.

¹⁴⁴ Na li sisupo kwa bapolifita ba buhata bani ni ku Akabe, kuli na li mutanga wa Mulimu. Na li mupolofita wa Mulimu. Mi, hape nali sisupo kwa Isilaele, kuli na kwalile mahalimu kamba ku kwalula mahalimu, fa na latela kaufela. Luli nali cwalo.

Muni bulelele yakona kukwala mahalimu, munibonise yakona ku kwalula mahalimu, kwanda Mulimu. Mi Linzwi la Mulimu, kamba, Linzwi la Mulimu lina ni bapolifita.

¹⁴⁵ Mikaya, sisupo ku Jehoshafati. Mikaya na li sisupo ku Jehoshafati, sa kuli Mulimu una ni mupolofita wa niti fa kaufi.

¹⁴⁶ Cwale mulemuhe. Nana ni bapolifita baba mianda yemide, Akabe nana ni bona, mi ki ha biza bapolofita baba mianda yemine baani. Mi ka buñwi ba mu bulelela. Mi ibo, mwatasa pilu ya Jehoshafati yani, muuna wa Mulimu, a ziba kuli nekuna ni sene si fosahalile. A ziba kuli nekuna sene si fosahalile. Ki hali, “Kikuli ha u sa na yomuñwi hape?”

¹⁴⁷ “Kasumulaho baba mianda yemine bayema fani?” Ki hali, “Ba kamukana ki bapolifita, bapolofita ba Jehova.” Ki bao ba—ba Methodist, ba Baptist, ba Presbyterian, ba Unitarian, oh, mawi, mawi, ba Trinitarian, ni mifuta yeshutana kaufela. “Luna ni bona kaufela mo, mi ka buñwi fa bulela kuli ye ki naha yetuna ku zeliteni. Haluna ze lukona ku saba.” Inge mushimani yomunyinyani ya liza muloli mwa mabita, mwa ziba, ha sabile. Musike mwa bilaela ka yena.

Ali, “Kono kana hauna neba fela limuñwi hape?”

Ali, “Oh, apwee, kuna ni yomuñwi kwanu, kono,” ali, “Ni mutoile baa.” Mwabona? Ali, “Yena ukona fela kubulelanga zemaswe ka naha yee. Kamita yena ubulelanga fela zemaswe ze ka ezahala ku luna.”

¹⁴⁸ Jehoshafati ali, “Nika—Nika tabela ku mu utwa.” Oh, eehe!

Na li sikamañi? Sisupo. Hakuna taba kamba ki tutengo totukai kamba likopano, Mulimu u sa na ni mupolofita yaina ni Linzwi.

¹⁴⁹ Jehoshafati na zibile kuli Akabe na sa felile, kakuli mupolofita wa niti yani, Elia, na bile sisupo kwa linaha, ali, “Linja li ka kapa mali a hao, ha u kuta kwanu.” Yeo ki niti. Na zibile kuli Jezabele ni yena zeo nelika ba ezahalela. Na zibile cwalo. Mwabona?

¹⁵⁰ Mi Mikaya, Mikaya ali. . .Ba—ba taha ku yena mi bali, “Cwale, Ni ka ku bulelela, haiba ubata kukena mwa katengo ka katatama, Ni ka kubulelela so ka eza. U lumelelane fela ni bakutazi ba kuli babulela niti. Mwabona? U mu bulelele kuli, ‘Zamaya u kamabme.’” Mi ali, “Wena u lumelelele.” Ali, “Ni ka mi bulelela se lu kaeza. Luka eza. . .Luka bona kuli wa kena mwa katengo ka luna, haiba u sa eza fela cwalo, mwabona, haiba u ka keshebisa nyana fela fa litaba nyana ze faa zo bulela. U bonise fela, zamaya, u lumelelane ni bona, uzamaelelane ni bona.” Huh-huh! Kana munahana kuli mupolofita wa niti wa Mulimu wakona kuzwa kwa Linzwi la Mulimu? Mwa nahana cwalo?

“Kihande,” balikani ba bali, “kono, luboni pono,” bapolofita baba mianda yemine baa. “Lwa ziba. Lu bapolifita. Lwa ziba, kakuli lu bapolifita.”

¹⁵¹ Mikaya ali, “Ha ni kakanyi kuli muboni pono. Ha ni kakanyi zeo neba hanyinyani, se muboni, ki pono, kono haiyo kulikana ni Linzwi.” Amen. Ali, “Ni boni pono, nina.” Amen. Oh, sishemo! Na li sisupo. Na li sisupo. Ki hali, “Ni boni pono, mi Ni boni Isilaele, inge lingu, ze hasani fa lilundu, ze sina mulisana.”

Mi mutoneli yomutuna yoo, bishopu, ananuha ni ku to mubakula fa mulomo. Ali, “Ki kai ko no ile Moya wa Mulimu ha U zwa ku na?”

¹⁵² Ki hali, “Uka bona ha u kaba mwa tolongo. U ka bona.”

Yena, Akabe ali, “Amu latele mutangana yo mwa tolongo. Mu mufe buhobe bwa manyando, ni ku munwisa mezi a manyando, anwange cwalo.” Ali, “Ha Ni ta yo kuta ka kozo,” ali, “kona Ni ka to mu lukisa.”

¹⁵³ Mikaya wa batu ayema ni kuli KISONA SA BULELA MULENA. Ki hali, “Haiba luli uka yo kuta wena, Mulimu ha si ka bulela ni na.” Hum! Ku felile. Na li sikamañi? Na li sisupo, bona bapolofita ba Jehova bani, bapolofita ba Mulimu, bapila ni Linzwi la Mulimu.

154 Hamuna ni mupolofita ya bulela kuli mu kolobezwe ka malumbatina a “Ndate, Mwana, Moya o Kenile,” ki mupolofita wa buhata. Haiba mu bulela kuli kuna ni mupolofita mwahala mina, ya bulela kuli, “Kuna ni Balimu babalalu,” ki mupolofita wa buhata. Hakuna Liñolo la litaba zeo. Yeo ki niti. Kono mupolofita wa niti wa Mulimu uka pila ni Linzwi lani. Mi haiba pono ya hae ya shutana ni Linzwi lani, ha ki mupolofita wa niti wa Mulimu.

155 Hakuna sibaka, mwa Bibele, mutu ufi kaufela fo akile akolobezwa ka malumbatina a “Ndate, Mwana, Moya o Kenile.”

156 Mutalime Paulusi, mwani mwa tolongo, Mujuda yana ni ngo ye sikami inge kashuto, wa sitenda, inza lobezi fani, aina myaha ye mashumi amabeli, mwa tolongo ya Siroma. Añola mañolo aa. Cwale, munahana kuli bakutazi ba basali ne ba nahana sikamañi ka Paulusi, ha na bulezi kuli, “Mutuhele basali bakuze mwa likeleke. Ha ni lumelezi kuli ba bulele?” Ni nahana kuli ne ba ka mu beleka fateni luli.

Mu nahana kuli ma bishopu bani ne ba ka nahana sikamañi, mabishopu bani, ha na bulela lika ze shutana zeo, “Mutuhele lika *se foo, ni se fa, se kaufela, sani,*” Paulusi kuba bulelela? “Ki mañi mutangana yoo, pili, mutangana ya lobezi mwa tolongo mwani?” Kono na katani Jesu. Na ziba za na ambola ka zona.

Mi kuzwa mwa sikwata se si swana sani, kasamulaho wa lifu la Paulusi, mafelelezo ba yo eza, kuzwa mwa sikwata sa mabishopu sani ni bainuneki babatuna, kuya kwa katengo kaba Nicene Council, kene ka ezize keleke ya Katolika, kuzwa kwa Linzwi la Mulimu. Kona mo ku zwile zeo zamina za “Ndate, Mwana, Moya o Kenile.” Ni kolisa mutu kaufela, kai ni kai, naha ifi kaufela, kuli akanane ni zeo.

157 KISONA SA BULELA MULENA. Kolobezo ya kuitusisa lilumbatina la “Ndate, Mwana, Moya o Kenile” ki ya buhata. KISONA SA BULELA MULENA. Ni laela mañi ni mañi wa mina, moo kamba kwa tepu, ya si ka kolobezwa kale ka Libizo la “Jesu Kreste,” mu kolobezwe hape ka Libizo la Jesu Kreste.

158 Paulusi, mwa Likezo, 5:9, kamba, 19:5 naize, “Kikuli mu amuhezi Moya o Kenile haisamba mu lumela?”

Se bali, “Ha lu zibi kamba kuna ni Moya o Kenile.”

Ali, “Kona kuli ne mu kolobelizwe ka ifi?”

159 Se bali, “Lu kolobelizwe,” kono isiñi ka kolobezo ya Sikreste.

“Ndate, Mwana, ni Moya o Kenile” ha ki kolobezo ya Sikreste. Hakuna Mukreste yakile a kolobezwa cwalo, mwa Bibele ka mianda anda ya lilimo kasamulaho wa Bibele. Ki tuto ya Katolika, ha ki Tuto ya Sikreste. Mu ni bonise mwa Bibele. Ki—ki buhata. Ki musebezi wa madimona.

Ha ni talusi kubulela kuli sicaba se si kolobelizwe cwalo kona mo siinezi. Mulimu una ni batu babañata kwande kwani kacenu baba sina ze ba ziba.

¹⁶⁰ Kono, nako itile, luna ni ku kutela kwa Linzwi haiba lu kulukela Mulimu kubeleka mwa lizazi le sina mwa Na belekela linako zani.

¹⁶¹ Ne ni bulelezi boma ha ne ba shwa ba si ka shwa kale. Se nili, “Ima, Ha ni to ba Mukreste, kakuba mushimani, Na kala kubata ni kubatisisa. Na ziba kuli nekuna ni Mulimu, kuzwa kwa lipono ze muziba, ni lika ze ne ezahali mwahala bupilo kaufela.” Se nili, “Se Ni to fumana kuli keleke ya Katolika haili, ‘Ki luna keleke. Hakuna shutano ni yekana ku se ibulela Biblele. Lu lumela Seo kuba niti, kono, ki luna keleke. Se lu bulela, Mulimu wa si tama mwa Lihalimu.’ Mi kacwalo, he, ba eza ka mukwa *wo*. Wani ki mubili ulimuñwi. Ba Lutheran bali, ‘Ba fosize. Luna lu lumela ka nzila *ye*.’ Ba Baptist bali, ‘Kaufela bona ba fosize. Luna lu lumela ka nzila *ye*.’ Mi kuna ni mianda anda ya likwata zeo.”

Kiñi, mukona cwani kuba ni tumelo? Ki ifi yabona ye bulela niti? Kuna ni Nto iliñwi ya niti. Ne ni si ka Iziba kale na nako yani.

¹⁶² Se nili, “Ima, Ne ni kutezi kwa Biblele mi na fumana baapositola ba pili bani, mufuta wa keleke yene ba nani, mo ne ba lutela, ni lika ze ne ba eza. Ni li ezize fela ona ka swanelo sina mo ba li ezelize, ka mo ibulelezi Biblele, mi Na fumana linepo zeswana.” Amen. Mu ni swalele ka mubulelelo woo, kono ki—ki bupaki bwa kuca mbilimbili cwalo. Yeo ki niti. Na fumana linepo zeswana zene ba nani. Eeni.

¹⁶³ Kacwalo, hamukoni kutoma sepo mwa sika kuna ni ze mianda ye naini ye shutana, ya kuya neke *le* ni neku *lani*.

Mi Na fumana, mwa Biblele, kuli Jesu naize, yena Kasibili, “Haiba mutu aka zwise Linzwi li liliñwi, kamba ku Li cinca, mwa Buka yee; mutu kaufela ya ka ekeza sika ku Lona, kamba kuzwisa sika ku Lona; ni yena ku ka zwiswa, siemba sa hae mwa Buka ya Bupilo.” Abonisa kuli nana ni libizo la hae mwateni, ku lukile, kono lika zwiswa mwateni. Oh!

¹⁶⁴ Lu lukela kukutela kwa Linzwi le. “Lihalimu ni lifasi li ka fela, kono Linzwi la Ka halina kufela.” Eeni, sha. “Linzwi la mutu kaufela libe lishano. Aka abe niti,” kwa bulela Jesu. Ha lu pileni ni Linzwi. Eehe. Oh, mawi! Ehe.

¹⁶⁵ Jehoshafati a ziba kuli Mulimu u bulukuka wa niti, mupolofita yaina ni Linzwi la Hae mi yasike ku Li keshebisa. Batili, sha.

¹⁶⁶ Aina hande ni Lona. Mianda yemine yena anosi, ni bupolofita bwa bona, hape. Kono nali yena Linzwi la Mulimu, ni sisupo sesiswana ni lika.

Mi Ni li, kacenu, se lutokwa kacenu ki muuna, mupolofita, ya ka yema mwahala luna, ya ka ina ni Linzwi la Mulimu hakuna taba kamba mutu ubulela sikamañi, kamba se i bulezi kopano ifi kaufela.

¹⁶⁷ Mikaya nasina balikani. Mushe nasina balikani. Nuwe nasina balikani. Hakuna niyomukana wa bona, fela, yakile aba ni balikani. Kaufela bona ne ba ba lwanisa. Kono ze kona lisupo mwa mazazi a maswe Mulimu asika luma kale katulo. Mi Mulimu u buluka Linzwi la Hae mi ubata kuli Linzwi la Hae li bulukwe ki batu ba Hae. Kulumbwe Mulena.

Cwale, halutaha kwa ku kwala, ka mizuzu yelikani fela cwale. Cwale amu teezeze ka tokomelo.

¹⁶⁸ “Nekuna ni muuna ya lumilwe ki Mulimu wa libizo la Joani,” neli mupolofita wa sisupo. Mane Jesu asika taha kale mwa lifasi, kuli ato Itoloka, Aluma mupolofita fapila Hae. Na Mu lumile nji? A luma mupolofita, yena Elia wa Testamente ya Kale, yana polofitilwe kutaha mwa mata a Elia wa Testamente ya Kale. Na lukela kuba sisupo sa mupolofita kuli Jesu na taha, kuli nekuna ni Mesia ya na taha.

¹⁶⁹ Mi Joani azwa mwa lihalaupa, nali sisupo sa kuli Mesia nali mwa musipili wa Hae. Mi Joani ato bonahala, Isilaele na lukela kuziba, ka bapolofita ba bona.

Foo kona sicaba fo si latehiseza lika. Ha ba lumelangi bapolofita ba bona. Ha ba lumelangi. “Ha lu lumeli za na bulezi Pitrosi kuba ze lukile, ka Lizazi la Pentekota.” Ha ba lumeli kuli ki niti yeo. Ha ba lumeli za na bulezi Paulusi, ki nto yeswana yana ezize ni Pitrosi. Ali, “Haiba Lingeloi lelizwa kwa Lihalimu li kutaza linzwi lisili fela, yoo abe anatema.” Ha ba lumeli cwalo. Mwabona? Ha ba li lumeli.

Mi ne ba si ka lumela bapolofita ba bona. Kambe ne ba zibile, ne ba ka ziba kuli Isaya na bulezi kuli, “Ku kaba linzwi le li huweleza mwa lihalaupa, le li ka lukisa nzila ya Mulena.” Ne ba lukela kuziba cwalo. Na li mupolofita, mulena wa bapolofita. A ba bulela, kono ne ba si ka li lumela. Batili, batili. Ki hali, “Kuna ni Mesia ya taha.”

¹⁷⁰ Muuna yo neli muuna ya lumilwe ki Mulimu. Oh, mizwale! Nasina baba mu latelela. Mulimu na mu file baba mu latelela, mutapi nyana, sina fela mwa Na ezelize Elia. Mulimu amufa baba mmu latelela. Na si ka ba zwisa mwa kopano yeñwi ya katengo. Na kutalize Linzwi, aina hande ni Linzwi la Mulimu, mi Mulimu amufa mutapi nyana olikani. Elia aina hande fa Linzwi la Mulimu. Mulimu amufa mutapi nyana olikani.

¹⁷¹ Muuna yo nasina balikani. Nasina baba mu latelela, nasina balikani, ne si wa kopano ifi kaufela, hakuna sa na kombelela mi hakuna sa na saba. Yani neli Joani. Kiñi? Na li muuna ya lumilwe ki Mulimu. Kona ha na konile kuyema. Na li Elia ya yemi fani, kubonisa kwa sicaba kuli Mesia na taha. Ki hali, “Na ni linzwi

la ya huweleza mwa lihalaupa, sina mupolofita Isaya ha bulezi. Mu lukise ku katanyeza Mulena.”

¹⁷² Bafarisi bani ni Basaduki ba yema kwande kwani mi ba kanana bakeñisa likubo ni litaba zeñwi. Ona hane ba sa kanana cwalo ni kuhohana ka zona, ona mwahala bona kwa taha Mesia, inza zamaya.

¹⁷³ Joani naize, “Amubone, ki Yoo foo.” Haleluya! Amu mubone. Na sa Mu zibisize kwa sicaba. “Ki Yoo foo. U yemi mwahala mina cwale.”

Ka yona nako yeo, mahalimu a paka. Jesu a zamaya fa mezi. Mi Joani afa bupaki, kuli naboni Moya wa Mulimu, oswana sina liiba, ha ushetumuka. Linzwi la utwahala, “Yo ki Mwana Ka Ya latwa Ye Ni katelwa.” Oh, mawi, mawi!

¹⁷⁴ Joani ali, “Cwale Ni lukela ku kusufala. Yena atunafale.” Oh, ha ki mupolofita ni yoo, sisupo kwa Isilaele! Eeni, sha.

¹⁷⁵ Na li muuna ya lumilwe ki Mulimu, neke inge ndatahe neli muprisita. Oh, eeni. Ndata he, Zakaria, neli muprisita. Kono kana mulemuhile? Mulimu nasike kutuhelela mupolofita yani kulyangana ni likopano za bona. Ndata he na ka muisa kwa sikolo sa bulapeli, kwa kopano ya *Kuli-ni-kuli* yetuna, a mu eza mukutazi yomunde, mwa ziba, mi amu luta hape, ni ku mufa lika za na lukela kuba ni zona. Kono Mulimu nasike ku lumeleza moyo wa hae kuzwakana. Kana mwa utwisisa? Nasike kutuhelela muuna yani kuzwakana ni likopano. Na sa fumanehi ku ifi kaufela ya zona, nekusina sikwata, Mufarisi, Musaduki, kamba waba Heroda, kamba kaufela seo sikona kuba sona. Mulimu nasika li lumeleza.

¹⁷⁶ Na na ni kupepwa ko ku shutana. Na li mwana ya shutana. Na li mupolofita. Ndata he neli muprisita, kono Na sike a mutuhelela kuzwakana ni buipi bwa bona, bulapeli bwa Bufarisi ni lika zeñwi. Ki sikamañi sa Na ezie? Amuisa mwa lihalaupa ni ku muluta mwa lihalaupa.

¹⁷⁷ Ha ki tuto ni yeo! Amen. Amu luta ka kutwisiso. Zeo kona zende kuziba Mulimu. Ha yo kuta, aziba hande tumo ya hae sene ili sona. Mulimu apaka tumo yani.

Ki kai kwa Na li pakile? Kwa nuka. Cwale, haiba mukona kukopanya tuu ni tuu. Mwabona? Fa nuka!

Ali, “Na ni linzwi la ya huweleza mwa lihalaupa, ‘Mu lukise linzila za Mulena, musungamise nzila ya Hae.’”

¹⁷⁸ Joani, muuna ya lumilwe ki Mulimu. Mulimu nasike amu tuhelela kuzwakana ni zona. A mu luta mwa lihalaupa, ka Mulimu. A mu luta kwande a likolo za bona, isiñi mwa bulapeli bwa bona. Haiba Na ka kona, na ka tala ka lika zeñata kaufela ze mufumana mwa likolo kacenu, mifuta kaufela ya likolo. Isiñi fela ka ba Presbyterian, Baptist ni Methodist, kono likolo

za Mapentekota, ka bumaswe fela, ifi ni ifi ya likolo zani za bulapeli, ze ba tisanga kuzwa mwani. Oh!

¹⁷⁹ Kutaha kwa hae, a bulelela Moya, wa Isaya. Kutaha kwa hae, kutaha kwa Joani, ne ku bulezwi mwa Mañolo. Isaya 40:3 iiize, “Ni ka luma numwana wa Ka fapila Ka, a lukise nzila,” kamba, yani neli Malaki 3. Ili . . . Malaki 3 ibulezi kuli Uka luma numwana wa Hae fapila Hae. Mupolofita, yena mupolofita wa mafelelezo, na bulezi ka yena. Nto ya mafelelezi ye ne bulezwi ka yena. Muhupule, Buka ya mafelelezo ya Testamente ya Kale abulela ka Elia yana ka taha kwa bana ba Isilaele kusika bonahala kale Mesia.

¹⁸⁰ Kana mu itukisize? Buka ya mafelelezo mwa Bibelle, ki Sinulo, i lubonisa kuli uka kuta mwa lizazi la mafelelezo, kwa keleke ya Bamacaba, ki sisupo. Mo ba li mbwinjeza! U polofitile kutaha hape, kusika ba kale Kutaha kokutuna kwa Mulena. Mwa Mal- . . . Mwa Malaki kauhanyo ya 4, mwa Sinulo hape, kauhanyo ya 3, i lu bulelela kuli ukaba fa mwa mazazi a mafelelezo. Yena ya swana yani, ya ka yema mwa pakani ni sicaba, ni mutapi nyana wa sicaba seo Mulimu aka mufa, uka taha mwa mazazi a maungulo. Mulimu na bulezi cwalo. Ukaba sisupo kwa nahaya ya Bamacaba ye, kuli nako ya yona ifelile.

¹⁸¹ Mi, muhupule, ha ka bonahala, nako se ili bukaufi. Ha lu lapeleni kuli Mulimu a mu lume. Nako seili bukaufi.

¹⁸² Ka nako yene buto fela bulumiwa bwa hae, Mesia aiponaha ni Yena. Haibile yomutuna yo uka to bonahala mwa mazazi a maungulo, uka beza bulumiwa bwa hae, Mesia uka iponahaza Iliyena. Ku kaba cwalo. Nako i fa kaufi, kona kuli ki hande lu lapela. Ki hande mukalise kulapela.

¹⁸³ Sisupo sa Hae sa mufile Mulimu kwa lusika lo si ka bonisa sa li sona. Mañi ni mañi uka ziba cwalo. Mulimu uka si paka. Uka bonisa lisupo ni ze komokisa mane ze si ka ezahala kale mwa lifasi, ka sona. Ha ni talusi kunyungana, kunjanja, ni kubulela ka malimi. Uka yemelwa ki Linzwi la Mulimu, inge muuna yo mwa na inezi. Kiñi? Na polofitezwi mwa kutaha, mwa Malaki 4 ni Sinulo 3, kona mwa ka tahela. Hakuna se si ka mutuhelisa; wa taha. Amen. U kaba fa. Amen. Mutuhele sicaba siwe ka lipata za sona kacenu ni kukala kulilela ku Mulimu, mi mutalime se si ezahala. Mu ka mubona ha i ponahaza mwa mata. Eeni, sha.

¹⁸⁴ Kuya ka Mañolo, sisupo sa Liñusa la hae, ikaba “kufetuha.” Kana ikaba sikamañi sa . . . Ki sikamañi se luka muziba kuba sona? Lu ka ziba cwani kuli ki yena luli?

¹⁸⁵ Mwa ziba, Isilaele na buzize cwalo nako yeñwi, mwa Deuteronomi, kauhanyo ya 20 . . . timana ya 20, Na lumela ku yona. Na ize, “Lu ka ziba cwani kuli yo ikaba yena luli?”

Lu ziba cwani? Mulimu wa lu bulelela lu ka mu ziba. Ki sikamañi sa ka eza? “Uka fetula lipilu za bana kukutela kwa Liñusa la makalelo la pentekota kwa simuluho.” Oh, mawi!

¹⁸⁶ Sisupo se si libezwi, sisupo sa niti, mi ba si mbwinja. Kamita banze ba si mbwinja.

¹⁸⁷ Ku kutela kwa Keleke ya niti, Liñusa la niti! U ka yema anosi kulwanisa kopano, ya bundume asina sabo, anani KISONA SA BULELA MULENA. Haana ku keshebisa ni kopano ifi kaufela. Hakuna sa ka eza ni ifi ya zona kaufela; haana kuikabela mihala ifi kaufela. U kaba fela hande fa Linzwi, KISONA SA BULELA MULENA. Mulimu uka paka bulumiwa bwa hae ka lisupo ni ze komokisa, kupatululwa kokutuna kwa Linzwi, ni kutisa sicaba. Ki lizazi le licwani le li sutelezi leo! Inge. . . U ka yema inge Pitrosi ni Joani mo ne ba ezelize, kasamulaho, ka Lizazi la Pentekota.

Kasamulaho wa Pentekota, kuli ne se batezi ka Moya o Kenile, ba kolobezwa kwani, bayema mwa kuta yaba Sanhedrin yani. Neba yemi fani ni bundume kaufela bone bukonahala kuyema kabona. Mi, se bali, “Lu mu hanisize kukuta ka Libizo la Jesu, nikamuta.”

¹⁸⁸ Ki hali, “Kana ki swanelo kuli lu utwe mina, kamba Mulimu? Mu ikatulele ili mina.” Litimbi, baba si ka ituta. Amen. Nebali bapolofita. Nebali bapolofita ba batozizwe ki Mulimu. Nebali lisupo za Moya o Kenile. Nebali bapolofita. Ne ba ziba.

¹⁸⁹ Neba swana fela inge Joani. Nebali fahalimu fani kwa Pentekota mi ba fumana nto yeñwi.

Ne ba sa swani sina buñata bwa baktuzi ba luna kacenu, baba inuneka, kuikumuhusa ka likopano zetuna ze lunani, ki ba bakai belunani mwa likwata za luna. “Lu yema sina kopano yetuna. Lu eza musebezi omutuna wa kuhasanya linzwi.” Oh, sishemo! “Oh, luna ni likwata zetuna kufita kaufela bona.” Ki sikamañi? Ki kuhoha kwa lipolitiki. Ni bata kuli muteeleze ka tokomelo, mizuzu yemibeli yetatama, ye milalu. Ki kuhoha kwa lipolitiki.

¹⁹⁰ Luli Ni bulezi nto yeñwi, mizuzu yelikani yefitile, mwa ziba ze Ni ambola fateni. Sisupo se si polofitilwe. Ni si siile, ni si lulile fa mahutu a mina. Mwabona? Kihande, ha ki mina fela moo kono ni bona baba ka teezeza. Li mwa mahutu a mina. Mueze kaufela zemubata kueza ni lona. Mu lapele, mi mutalime Mulimu ataha mwa sibaka. Mutalime Ha taleleza Linzwi la Hae. U libelezi.

¹⁹¹ Mi lindalamiti zetuna za atomic, mi sicaba sa saba; Pentagon, ha ba zibi sa kueza; ni lisupo za kunutu mwa mahalimu, za lika zefufa, ni lika kaufela za na bulezi kale Mulimu: Seli nako ya Elia yani, (uteni kokuñwi), ataha mwa sibaka.

¹⁹² Mutuhele sicaba, mutuhele mutapi nyana wani, bo masiyaleti ba balikani bani ba Mulimu bao Mulimu aka mufa, bo masiyaleti babalikani bani ba ka biza ku Mulimu, mi batalime se si ezahala. Ku kaba kangisano ya naha kaufela. Ku kaba mata e ba si ka bona kale fateni. Butata bwatani, nako ye, nako ikabe

ifelile ku bona ka nako yeo. Minyakoko i kabe ikwalilwe. Kacwalo, muhupule, lu kwa nako ya maungulo. Mulapele.

¹⁹³ Mutalimele kacenu se lubiza kuli bulumiwa. Ki sikamañi se lunani? Cwale, ka kukwala, Ni bata kubulela cwana. Luna ni sikamañi? Hakuna se lunani. Babañwi ba baeteleli baluna babatuna, babuleli baluna babatuna; alimuñwi wa babuleli ba luna babatuna naize, “Haiba Nikona kufumana teni pesenti ya baba pilisizwe baka baba sa swalelezi, ka silimo, Ni ka itumela hahulu.” Mi, mane ni ha ba sa fiteleli ba Finney, yana nani babaeza nainte sebene pesenti ba bona.

Paulusi na nani mwanda kufitelela mianda anda, mianda anda ni kufita mianda. Alimuñwi na piliswa, mi, atazwa hahulu, muzwale, ayo bulelela mutu yomuñwi; a bulelela mutu yomuñwi fela; mi abulelela yomuñwi hape; ba yo fita mwa mamilioni. Kiñi? Nebana ni sesiñwi. Nebali fa Linzwi.

¹⁹⁴ Kacenu, lu nahana hahulu ka likwata zetuna. Ki sikamañi? Ki katengo ka lipolitiki. Ha lu taha, mukutazi yomuñwi yomotuna utaha mwa munzi, ki sikamañi se sitaha pili? Sikwata sa baana. Haiba ba Methodist kaufela, Baptist, Presbyterian, kaufela bona, ba eza zetuna nyana kuli, bana, “Ba bakona fela kukutaza se, mi habakon kukutaza *sani*, mi hakoni ku kutaza se, kono u lukela kukutaza *sani*,” ki sikamañi so munani?

¹⁹⁵ Mi ba taha kwani, basali. Ni bulela ka Mapentekota. Basali baya mwani, kuyofita ni kwa aletare, banze ba kupa.

¹⁹⁶ Ni bile ni nyazanga pizo ya kwa katala. Nakona kubulela cwalo mane. Ha ni lumeli ku zona. Hakuna nto ye cwalo mwa Bibele. Kana mutu ufi kaufela ukona cwani kutaha kwanda kuli Mulimu amubize? Ha ukoni ku mu hanisa. Ha ulukeli kubiza sika kaufela. Mulimu ki yena ya mubizize. Kubizezwa kwa katala kwa litapelo ki mulelo wa ba Methodist. Yeo ki niti. Kuya kwa katala, ba ba swalanga, bali, “Joani, wa ziba, bomaho ba shwile kale kale koo.”

¹⁹⁷ “Ooh-ooh-ooh, eeni, muzwale, ooh-ooh!” Koo ha ki kufetulwa.

¹⁹⁸ Kwanu, masihu nyana a fitile, neluna ni kubonahaza lika mwa Louisville, za musali ya na tisizwe mwa likwati la mufu, a lobazwa fa sibaka se si bulukelwa lilemano. “Batu babaeza mianda anda,” ali, “amu matele kwa katala.” Evangeli ha ki sisusa. Ha ki maikuto a makeke. Ki kufetulwa kwa kuikolwisisa.

¹⁹⁹ Mutalime mikopano ye, bakutazi babatuna baa, mane neba mwa bulumiwa bwaka bo bu ishuwile, ha ni itusi kwateni. Linako zeñwi Ni ikutwa maswabi nyana, kuzwela kwande. Yeo ki niti. Ki sikamañi seluna ni kuezwa? Kuyema ni kubizeza sicaba kwa pili ni kuba hapeleza. Basizana babanyinyani baba tahanga kwanu, inge ba tafuna cwingamu, bali, “Mwabona? Mwabona? Ni ka ya. Uh-huh.” Basali ba batahanga kwanu, ni milili ye kutilwe ni lifateho zepentilwe, Mapentekota, ni kukena

mwateni, ni kuzwela fande, ni kubulela kuli ne ba bulela ka malimi. Mi ha ba lumelezi milili yabona kuhula, ni kueza lika zeswana. Mu ni bulelela kuli koo ki kufetulwa? Leo ki lisheha ku Mulimu. Bibeke iize, “Ki sibi mi ki maswabisa kuli bakute milili ya bona.” Kana musali ukona cwani kukuta milili ya hae mi anyaze musali ya pentile sifateho sa hae? Hakulata u li utwile. Nako ya taha, kuisa fo silepe si ka beiwa kwa mubisi wa kota. Mi kota kaufela ye sa beyi miselo yeminde ya lemiwaa.

²⁰⁰ Ki butata mañi? Ne ku fosahalile. Kakuli, zenca zaluna, *molibizezwa* bakutazi kwande koo, likwata zetuna ni lihembe ze fumbukile. Likopano hakuna ze li ziba ka za Mulimu kufita Mbenezikai mwa sa zibeli za busihu bwa Egepita, ha bu taha. Ba kambama fani . . .

²⁰¹ Kucwani haiba sicaba sani kwa Pentekota ne si kaba kwani ni kubulela kuli, “Cwale, Jesu na lu laezi kuli lu swanela kutaha fahalimu fa ni kulibelela kufitela mata a kwa Lihalimu atahe. Cwale, mizwale, se lubile kwanu mazazi a naini, cwale. Ha lu amuheleni ka tumelo. Cwale, luna ni Moya o Kenile. Lwa zwela fande, kakuli lubile moo. Lu ezize za na lu bulelezi Jesu kueza?” Ne kusina kutwisiso ni yekana.

²⁰² Ha lu boneñi ni mi bulelele nto yeñwi. Na ziba kuli se sabeywa fa tepu, kono ki se sa taha, nihakuli cwalo. Amuteezeze. Ni ka mi bulelela sika. Ki maswabisa. Sicaba si lika ku . . . Nali kuba ni lumele kuli Moya o Kenile ki “kunjanja.” Na li kuba ni lumele kuli Moya o Kenile ki “bupaki bwa kubulela ka malimi, kamba kulila, kamba kuhuwa.” Ani ki maikuto fela a mubili. Ni lumela kuli Moya o Kenile wakona kueza cwalo. Kono Moya o Kenile ki kuyahiwa ki Bumulumu. Ni lumela kuli sikwata sesituna sa batu baba ipapata kuba ni Moya o Kenile, hakuna se ba ziba ka Ona. Mu katana Mulimu.

²⁰³ Kucwani, ka Lizazi la Pentekota, neba ize. . . Cwale, sina ba Baptist kacenu, ba Presbyterian ni ba Methodist, Na buza, “Kana mwa lumela kuli muna ni . . .?”

²⁰⁴ “Oh, eeni, lwa U amuhela, ka tumelo.” Ka tumelo, hakuna. Ha ki Ona woo.

²⁰⁵ Ki maikuto, mu bata kubona kulikela kwa lizazi, mwa yema ni kutalimela lizazi ha li yo likela, ni kulila, mane mioko i suluhe, yoo ha ki Mulimu, ao ki maikuto, ku sesiñwi mwahali ku wena. Ha u utwa mutu ya kula, kamba mutu ya shwa, wa huwa ni kulila. Yoo ha ki Mulimu. Ao ki maikuto a butu. Kuli Mulimu . . .

²⁰⁶ Ni boni batu kwa papali ya mbola, ha ba tabela hahulu kuli mane ba tahelwa ki sikukuma fa milimo ya bona, lika zeñwi kaufela. Musike mwa ni bulelela.

Lu mwa kutokwa ancafazo, puluso. Mi Mapentekota ba taha, ba katalise sicaba, ni kuba bulelela kuli, “Ha ba ka bulela ka malimi, bana ni Moya o Kenile.” Mi babañwi ba bona bapila bupilo bwa mifuta kaufela, kuzwa foo.

Teeleza, muzwale. Ka Lizazi la Pentekota, ne ku si yo cwalo. Ne ba si ka itengeta fa malimi afi kamba sika kaufela. Kono hane bali mwani, bayemi mwa sibaka silisiñwi, mwa buñwi, Mulimu a tuluka, kuiponahaza, mwahala bona. Ba bona, ku ufi ni ufi wa bona, malimi a Mulilo, alikana sina *cwana*, inza nyendaela fahalimwa toho za bona. Mulimu naliteni kwani. Ne kusina kuli, “Amuhela ka tumelo, kamba maikuto amañwi.” Ne ba tezi Moya o Kenile, mi se ba zwela kwande ba yo kala kubulela ka malimi. Kono, pili, ne ba katani Mulimu.

Boo kona butata kacenu. Batu ba kataliswa ni kutabela, maikuto, mi kanti ha ki Moya o Kenile. Moya o Kenile ki kuba ni Bumulimu ku wena. Manzwi a hao ki Manzwi a Hae. Na mi bulelela, ze lutokwa kacenu, ki pizo.

²⁰⁷ Sicaba sakena ku zona, basali baba cwalo, baya ku zona, babulela ka malimi, ni ku yo kuta. Mi mu ya kwa libaka za bona ko bana ni likeleke za bona. . .

²⁰⁸ Ni lakaza kuli kambe Billy naliteni mo. Ni amuhezi fela liñolo lelizwa kwa libaka zeñwi zakwani, zazi leliñwi, ko musali na bulezi kuli, “Ni wa siemba sa kuli, sesituna. . .” kopano yetuna hahulu a Mapentekora, kopano yetuna ya ba Trinitarian. Ki hali, “Bahame ba luna kaufela, Muzwale Branham, kaufela bona ba kutanga milili ya bona. Nenina ni milili yemitelele ye minsu.” Ki hali, “Ne ni ilata luli, kakuli Ne ni lumela kuli neli ya Mulena.” Ali, “Na li kuba ni tole mipende. Keleke ya luna iluta kuli zeo ki za kale.” Ali, “Ba ni bulelela kuli, ha ne Ni tatanisa milili yaka, kwa mukokoto, bali, ‘Bona, una ni taya ye pancize kwa mulaho,’ ni lika kaufela ze cwalo. Bali, ‘U lwezi taya ye pancize—ye pancize kwa mulaho wa toho ya hao.’” Mi ali, “Mafelelezo, bo muuna ka bali, ‘Kiñi ha u sa kuti milili ya hao ni kuba inge babañwi fela?’”

Cwale Nina ni liñolo kukutela ku yena.

Ki hali, “Kana ku cwalo? Ne ni utwile iliñwi ya matepu a hao, kuti kolobezo ya Sikreste ki ka Libizo la Jesu Krete.” Cwale, mwa ziba za ka utwa. Nji cwani? Ki hali, “Ni bulelele, Muzwale Branham. Ni nyolezwi. Ni bata kuziba se Ni ezize.”

²⁰⁹ Ni ka bulela kuli, “Maswabisa ku muuna hao ya wile yoo. Ni sikwata se si sina Mulimu bo lapelanga ni bona, uzwe mwahala bona.” Kulukile. Mulimu hakoni kucinca. Mulimu ha bulela sika, U talusa ona cwalo. Hanina taba kamba ki bakutazi ba baki baba wile baba bata kukeshibisa, kuli babe ni kopano yetuna kamba sikwata. Lu tokwa baba pilisa batu. Baana baba ka yema ni kulumeleza basali ba bona kueza cwalo, Nina ni sepo yenyinyani ka kutwisiso ya hao ka kuba Mukreste. Kiniti. Baka, kamba wa shwa! Mawi, bunde!

²¹⁰ Kukena mwateni ona cwalo, ku ikopanya kwa likeleke, likeleke za Pentekota, ku yo zwa mwateni mane wali kuba u cince ni hanyinyani; wali kuina ya swana, ha u si ka shenya

ni hanniyinyani. Oh, sishemo! Ki sikamañi seo? Bo Jezabele ba kacenu. Kuna ni fela musali alimuñwi mwa Bibebe yakile a ipenta kwa sifateho, mi Mulimu amu fepa kwa linja. Bo Jezabele ba kacenu banze ba hoholola bo Akabe ba bona mwa kola, muuna kaufela wa mayemo a busali ya ka lumeleza musala hae kueza cwalo, kutina tuputula ni lika zeñwi, ni kuzwela fande mwa mukwakwa ni kutina lindelesi ze bonahala ku lamatela fa litalo inge soseji ye kakatezi litalo cwalo. Ni kuzamaya. . . Ha ni buleli zeo ka lisheha. Se ha ki sibaka sa kuezeza lisheha. Le ki Linzwi la Mulimu. Ki niti. Kulukile. Inza zamaya mwa mukwakwa, ni ndelesi ye kakatezi hahulu, cwalo, konji mane apalelwa ku zamaya. Mi, muuna yomuñwi anepele fateni manzwi ka yena, kipeto mubata ku mu lwanisa. U lukela ku lumeleza mutahali wa hao kubakulwa lubaka, yeo ki niti, ka ku mu tuhelela kueza cwalo. Si bonisa so bupilwe ku sona. Yeo luli ki niti.

²¹¹ Se lutokwa ki Evangeli. Mulimu, atise mutu mwa sibaka ya lukile akutele kwa Linzwi. Mulimu na bulezi kuli mane ha ku swaneli kuli musali atahe mane neba kwa keleke mi alapele ni kakoloti. Mi musali ya kuta milili ya hae, ki. . . muuna una ni swanelo hande ya ku mu leleka kwa manyalo. Ki musali ya sina likute. Bibebe ibulezi ona cwalo. Hana likute ku muuna hae. Hakulata hakoni kuziba cwalo. Musali kaufela ya ka tina tuputula hana likute. Hakulata hakoni ku ziba cwalo. Kalibe, Ha ni liki ku ku holofaza. Ni lika ku ku pilisa kwa lisa la mulilo, ni lihele. Baka!

²¹² “Kihande,” u li, “Nina ni Moya o Kenile.” Kezo ye cwalo yeo, ni Mulimu inza mwahali ku wena, yena Mulimu yana ku bulelezi kuli usike wa eza ze cwalo?

²¹³ “Kihande,” u li, “Ni bulezi mwa malimi.” Ni boni mioya ye lunya haibulela ka malimi. Ni boni, mwa Africa, haba nwela mali mwa katendele ka mutu, ni kubulela ka malimi ni kubiza diabulosi. Ni bile kwa malunga a maloi basali ni baana, kone ba bulela ka malimi ni ku atoloka. Ni boni lipotoloto ha li beiwa fa tafule ni kuñola malimi asili, mi muuna wataha, ku to toloka. Ne li niti. Musike mwa ni bulelela ka malimi. Luna ni amañata a ona cwale.

Kono, Ni lumela kuli Mulimu una ni lulimi lo lu sa zibwi. Ni lumela kuli Mulimu ubulelanga mwa malimi asili, kono musike mwa yendamena ku zeo. Paulusi naize, “Ni ha Ni ka bulela ka malimi a batu ni a Mangeloi, kono kusina Moya o Kenile, Ni mbango fela. Ni ha Ni kona kushimbulula malundu. . .”

²¹⁴ Batu babañata ba lika kubulela kuli, “Oh, yo ki muuna yomutuna wa Mulimu. U lukela kubona limakazo zetuna.” Kiñi, madimona afolisa. . .

Madimona ayanga ku yo eza lika zecwalo zeo. Ni ziba maloi ba basali baba yanga, ni lika ze cwalo, waitama lisila sina *cwana*.

Ba beya fateni masheleñi. U kumula milili kwa mulaho wa toho ya hae, wa i cupwa mwa mali ni ku i yumba. Mi sicaba sani ki batu baba sepahala, ba lumela. Ha ki muuna yani. Ki batu bani kona ba balumela kuli ba atumela Mulimu, ka yena muloi.

215 Kana Jesu na si ka bulela kuli, “Babañata ba ka taha ku Na ka zazi lani, mi bakali, ‘Ne nina ni mikopano yemituna’”? Seo ha kisona sisupo. Ki susupo sa kuli lu kwa mafelelezo. Kana Jesu na si ka bulela, mwa Mateu kauhanyo ya 24 ni timana ya 24, hape, 24:24? Mi ki Hali, “Bapolofita ba buhata ba ka taha mwa mazazi a mafelelezo mi ba bonise lisupo zetuna hahulu kuli ba ka puma ni bona Baketwa haiba ku konahala.” Kono Muketwa u yemi fa Linzwi. Wa ziba sisupo sa niti kuli ki sikamañi.

216 Kana mutu ukona cwani, yaeza lika zee, ya latula Tumelo ya Mulimu, abulele kuli ki mupolofita wa Mulena? Kana ku konahala cwani ze cwalo ku mutu?

Wakona kuba mupolofita, inge baale bene baliteni mwa linako za Akabe ni Jehoshafati, fani Mikaya ha yema. Kono nebana ni alimuñwi kwani ya na yemi fa Linzwi, Elia. Linzwi la Mulena ne li ñozwi, mi Akabe na taha kwa mafelelezo a hae, mi pono ya Elia neina ni zeo.

217 Mi muuna kaufela, muuna kaufela ya ipiza kuba wa moya kamba mupolofita, azibe kuli Linzwi kaufela la *Se* ki niti. Ukona kuba cwani mwa tumelo ya Bulalu? Ukona ku kolobeza cwani ka libizo la “Ndate, Mwana, ni Moya o Kenile,” mi abulele kuli u tozizwe ka Moya? U kona cwani kuluta batu mafosisa a cwalo, mi abe ya tozizwe ka Moya? Ha likonahali. Ki silandulwa sipi yensu.

218 Ni lemuhile kuli zeo ha li zibahali. Kono ha lu lati kuba ba ba zibahala. Mu lukela kuba ya sepahala.

Cwale, Jezabele ni bo Akabe. Eeni, sha.

219 Kiñi, kiñi ha ba eza cwalo? Kiñi basali bani haba eza cwalo, kubuluka milili yabona ye kutilwe, ni kutola mipende, ni kuzwela fande ku yotina tuputula inge kutaha baana kwapata, ni liza zecwalo, baana ba bona baeze zeo? Kakuli habana mupolofita wa niti fa katala ka bona, wa ku ba bulelela Niti. Ba ba bulelela kuli, “Kihande, hakuna shutano. Li lukile. Ha mu lukeli kueza *cwalo*.” Wena!

220 Ki Linzwi la Mulena. Bibebe ibulezi kuli, “Musali kaufela ya ka apala ze swanela kuba za muuna ki ya swabisa fapila Mulimu.” Mulimu ha cinci. Ukona cwani Kucinca mi abe Mulimu? Yena hana fa felela.

221 Ba tokwa mupolofita wa niti ya ba bulelela kuli sani ki sisupo sa mafelelezo. Bibebe ibulezi kuli ba ka eza cwalo. Isaya, kauhanyo ya 5, ibulezi kuli basali baka eza cwalo mwa mazazi a maungulo. Kiniti. Kacwalo, ki bao foo.

222 Kono ba bulela kuli bana ni mupolofita fa katala, ya saba Linzwi la Mulimu. Isiñi. . . U saba kopano.

Ha lu lapeleni kuli Mulimu alu lumele Liseli la mwa mulaho lani, ona Liseli la manzibwana lani, alu lumele yena yo Na sepisize kueza zeo, kwa Keleke ye ketilwe, yaka ba bulelela sesili Niti, amuyeme fa Linzwi la Mulimu. Mutuhele bo Jezabele ni bo Akabe, kipeto ba ka ba kauhanya. Yeo luli ki niti.

²²³ Muhupule basali hane ba kalile kueza ze cwalo. Cwale amukute fela hanyinyani kwa mulaho, hane ba kalile kukuta milili ya bona ni kueza cwalo. Fani basali haba kala kueza ze cwalo, ki ka nako yeo ni ona mwaha wateni kuli Elia mwa mazazi a maungulo hana ni kubonahala mwa sibaka ni sisupo sa nako ya maungulo, ni sisupo sa nako ya maungulo sina mo ne kuinezi mwa mazazi a Lota. Mwabona? Sisupo sa nako ya maungulo; ki fo basali habakala kueza ze cwalo. Basweli baeza zeo cwale. Ki ka nako yeo kuli Elia ha lukela kubonahala fa lifasi, kububula ni kubiza, kukalimela ni kuwisaka fafasi, kiniti, ni sisupo sa Mulimu mwa mulaho wa hae, inza zamaya cwalo. Yena haana kubiza sikwata sesitina cwale. Bibeke ibulezi kuli, “Mu si sabi, mutapi o likani, ki tato ya Ndatamina ku mifa Mubuso.” Yeo ki niti. Yeo luli ki niti.

²²⁴ Una ni kuhaniwa ki kaufela bona kwanda mutapi olikani, kakuli u swana sina Elia ni baba mianda ye sebene ba hae, ni Joani ni mutapi wa hae o likani. Eeni.

²²⁵ Mwa bona fo luyemi kacenu? Lu lukela ku kutela kwa Pentekota ya makalelo. Lu swanela ku kutela kwa lika za Mulimu. Lu swanela ku kuta. Muzwale, kezeli, usike wa pumiwa mwa kutwisiso ya hao. Lu sweli—lu sweli kulibelega hola yeo.

²²⁶ Musike mwanga fela, “Ni—Ni sepa cwalo. Na lumela, ka tumelo Na I amuhela.” Musike mwa eza cwalo. Amu kopane ni Mulimu, pata ni pata, mi muka tazwa ka Moya, mi kipeto mubone ze ka ezahala. Mi haiba moya wani oli ku wena wa shutana ni Linzwi, kipeto uzwe kwa moya woo. Zamaya u amuhele . . . Lapela kuli Mulimu akufe Moya wa Hae, kanti.

²²⁷ Mi Moya wo ha uka taha mwa lizazi la mafelelezo, Ikaba temuso ye ka ba lwanisa, bona ba buhata. Mwabona? Kakuli, Joani naize, “Musike mwakala kunahana mwahala mina kuli luna . . . kuli mina ‘luna ni Abrahamama kuba ndata luna.’” Luna ni . . . Luna lu . . .

“Luna, bashemi baluna neli ba Methodist, Baptist, Presbyterian, kamba Pentekota.” Musike mwa nahana kuli, mina, “Mulimu,” ni kuli mu bana ba Abraham, kakuli Mulimu wakona kuli kwa macwe aa azuse bana ba Abrahamama ku ona. Musike mwa nahana kuli kakuli mu ba Pentekota, kuti kipeto mu ka swalelwa. Batili ku tokwa. Mulimu wa kona kuli kwa macwe aa azuse bana ba Abrahamama. Yeo luli ki niti. Eeni, sha.

²²⁸ Mubulele fela Linzwi la Mulimu, mwa buniti bwa lizazi la mafelelezo, sipolofita sa hae si cwalo.

229 Haiba muka eza . . . mutuhele fela ni kutele fanto ye fa ka muzuzu fela, alubone ni mi bonise mo lukona kuzibela. Nina ni Mañolo amañata añozwi faa. Ni sweli fela kubulela ka Ona. Ni bata ku mi balela iliñwi. Kuzwa, halu, pili, halungeni . . . Halu ngeni Deuteronoma, kauhanyo ya 18, mi luka fumana, fa muzuzu fela. Ili kuli, lusika kwala kale fa, ili kuli Ni kone ku mibalela Liñolo le. Mwa Deuteronoma, kauhanyo ya 18, ku lukile, mi ha luboneñi cwale. Timana ya 20 mwa kauhanyo ya 18, Deuteronoma, 20:

Kono haili mupolofita, yaipa ka buikuhumuso kuli abulele ka libizo laka, taba ye Ni si ka mu laela yona kuli aibulele, kamba ya bulela ka libizo la milimu isili (mwa buñata), mupolofita yo ashwe.

Yeo ki niti. Ka moya ulatehile. Ku lukile. “Moyo oeza sibi, kona o ka shwa.” Luna ni Mulimu alimuñwi, isiñi “Balimu.”

Mi ha u li mwa pilu ya hao, Lu ka ziba cwani kuketa linzwi la si ka . . . bulela MULENA?

“Lu ka ziba cwani? Ku kaba babañata hahulu, lu ka ziba cwani? Yoo ubulela *sani*, yomuñwi ubulela *se*; inge yomuñwi ha bulela *se*, mi yomuñwi hape ubulela *sani*, ni zeñwi cwalo.” Cwale amutalime. Lwa ziba.

Mupolofita ha bulela taba inza li ki ka libizo la MULENA, mi taba ya bulezi i sa bonwi, i sa ezwi, ikaba ki taba ya si ka bulela MULENA, mupolofita u bulezi ka mayungungu: u si ke wa mu saba.

230 Haiba Mulimu ha si ka bulela, kipeto musike mwa mu saba. Ki, ku lukile, muzwelepili fela mu libale ka zona. Mwabona?

231 Cwale amutalime ku ze lunani kacenu. Tumelo yaba Apositola, tuto ya tumelo yaba Methodist, tuto ya tumeolo yaba Baptist, tuto ya tumelo yaba Pentekota, tuto ya tumelo, tuto ya tumelo, tuto ya tumelo ki sikamañi? Mu fumani kai zeo? Ni swabisa mutu ni mutu kuli ani bonize Tuto ya Tumelo ya Baapositola mwa Biblele. Ni lumela kuli hakuna nto yecwalo.

Haiba baapositola nebana ni tuto ya tumelo yene ba yendamena kuyona, ki ye fa: “Mubake mañi ni mañi wa mina, mi mukolobezwe ka Libizo la Jesu Krete kwa swalelo ya libi za mina, mi mu ka amuhela mpo ya Moya o Kenile. Kakuli sepiso i ezelizwe mina.”

Kikuli ha muboni fo luinzi, balikani? Lu mwa buino bo bumaswe. Ki sikamañi seo? Ki sisupo sa niti se si latehisizwe.

232 Cwale, mu baana ni basali, buñata bwa mina, mi mu bana ba Mulimu. Musike mwa si latehisa. Muhupule kuli lu swanela kuba ni lika zee. Li swanela kuezahala mwa lizazi le, mwa hola ye lupila ku yona yee. Ye ki yona hola, bukau fi fela ni Kutaha kwa Mesia, ku swanela kuba zibahazo yezwelela ku Mulimu.

Halu boneñi ni mi balele yona. Ha lu kuteleñi kwa Malaki. Ki ya mafelelezo mwa Testamente ya Kale, mi amu teeleeze Sa bulela mo mwa Malaki. Mi luna ni . . . Muteleeze ku se fa nako nyana.

Cwale, haiba mu lemuha, Malaki 3, ibulela kuli Jesu na bulezi za Joani yana taha:

Amubone, Ni luma numwana waka, mi uka lukisa nzila fapila ka: mi Mulena, ye mubata, uka taha kapili mwa tempele ya hae, yena numwana wa bulikani, ye mu lata: amubone, uka taha, ku bulela MULENA wa limpi.

²³³ Yani neli Joani, inza zibahaza kutaha kwa Jesu. Mi Ataha mwa tempele, ona cwalo luli sa Na bulezi, Numwana wa bulikani, Lingeloi lene lili ni . . . mwa lihalupa hamoho ni—ni balutiwa, kamba ni Isilaele. Kana mwa lumela kuli Nali yena Numwana yani? Kihande A bulela kuli, “Ni zwa ku Mulimu, mi Ni kutela ku Mulimu.”

²³⁴ Cwale, kiñi Paulusi ha na filwe butuku? Kuli bu mu lobaze.

Kasamulaho wa Jesu amano shwa, kupumbekwa, ni kuzuha hape; kasamulaho wa nako yetelele, Paulusi a Mu katana, pata ni pata, fa musipili wa kuya kwa Damaseka. (Ki hali, “Ni zwile ku Mulimu, mi ni kutezi ku Mulimu.”) Paulusi atalima mwahalimu. Nekuna ni Liseli lelituna fani, ona Siita sa Mulilo se si swana. Kana mwa ziba se Ni bulela? Ona Siita sa Mulilo. Ni Paulusi a ambola ni Yena, mi ni Yena abulela ku Paulusi. Sicaba se si ka Mu utwa. Ne ba si ka Mu uywa. Kono Paulusi a Mu utwa. Ki hali, “Saule, Saule, kiñi so Ni nyandiseza?”

Ki hali, “Ki Wena mañi, Mulena?”

²³⁵ Ki hali, “Kina Jesu. Cwale zuha mi uye mwa mukwakwa obizwa Kuluka. U ka bulelelwa kuzwa foo cwale. Ni nani mupolofita ya taha ku to ku bulelela sa kuezwa, mwa bona. Ni mo ka . . .”

²³⁶ Paulusi awela nzila, a kolobezwa, mi abiza Mulena, a amuhela Moya o Kenile.

Mi Paulusi ali, “Ne ni katalizwe ki butuku mwa mubili, bo ne ni filwe, diabulosi, numwana wa diabulosi, yaba ni *katana*,” zeo liswana sina, “ñindi mwa mulaho wa ñindi.” Ha na ikutwa hande, ni kuba ni yena, ku mu nata hape. Ali, “Nu bizize Mulena linako zetaalu, kuli ali zuse ku na, kono Mulena ali, ‘Paulusi, sishemo sa Ka sa ku likana.’” Mi ali, “Ha Ni sa kambami . . . buñata bwa sinulo.”

Nana ni zeñata, ka sinulo, kufita Pitrosi, Jakobo, Joani, kamba ufi wa bona kaufela. A Mu bona kasamulaho Amano ya lilimo zepeli, kamba zeñata, inza yemi mwa Siita sa Mulilo, inza ambola ni yena. Ki butuna bo bucwani kacenu, myaha ye likiti zepeli, mi U sa pila! Amen.

²³⁷ Ali, “Ze ne ni filwe, konji haiba Ni kambamiswa, ali, ‘Cwale, muzwale, Ni fahalimwa mina kaufela. Mwabona? Ni—Ni Mu

boni kasumulaho Amano zuha kwa bafu, mi Na ambola ku Yena. Ni . . .’ Konji ha Ni ka kambamiswa, nekuna ni se ne ni filwe, kuni beya ya ikokobelize.” Eehe.

²³⁸ Ki yena yana ba bulelezi ku kolobezwa sinca, hape, ka Libizo la Jesu. Ali, “Haiba Lingeloi lelizwa kwa Lihalimu . . .”

²³⁹ Na ize, “Ne ni si kaya kwa likolo za bona, kaufela ko ne lifumaneha.” Ali, “Ne ni si ka ya kwa Jerusalem kapili, konji kasumulaho wa myaya ye lishumi ni yemine.” Ali, “Ne ni ile kwa Egepita, ku yo punya ni kwa Asia.” Mi a buza Mulena, aba kwani ka lilimo zetaalu, ayo bala Testamente ya Kale, a bapisa kaufela zona. Ha yo kuta, mwa mulaho wa lilimo ze lishumi ka zene, ayokatana Pitrosi ni babañwi, mi nana ni Evangeli yeswana, na kolobelizwe ka kuswana, mi aeza nto yeswana. Amen. A ziba kuli ne li lukile. Eeni, sha.

²⁴⁰ A muutwe Malaki cwale, kulo fa, Malaki 3. Cwale, haiba mwa kona, ha lu boneñi ni mi tatululele se. Na lumela . . . ha lu apuleñi kabubebe cwale mwa Mateu kauhanyo ya 11, ni kubona haiba Na . . . Na kona kufosa ka zona, Ni sepa kuli Nina ni yona, Ni luleka kutalima pili ku yona. Mateu 11. Ha lu boneñi. Lukalela foo:

Mi kwaba kuli, Jesu ha sa felize kulaela balutiwa ba hae, azwa mwateni yo luta ni ku bulela evangeli mwa minzi ya naha yeo.

Mi . . . Cwale Joani . . . autwa kuli na li . . . mwa tolongo autwa misebezi ya Kreste, nali . . . mwa tolongo autwa misebezi ya Kreste, aluma balutiba ba hae ba babeli,

Mi ali ku yena, Kikuli ki wena ya na bulezwi kuli wata, kamba lu libelele yomuñwi?

Liito la mbande la Joani la laita kafa ni kafa, ona mwa tolongo yani. Mwabona?

Jesu amu alaba ali, Muye . . . mu zibise Joani hape litaba ze mu . . . utwa ni kubona:

“Joani ki mupolofita. Mi haiba uka—uka utwa cwalo, ze ezahala, uka ziba Yo Nili yena.” Mwabona? Ki hali:

Libofu za bona, . . . lihole za zamaya, ba mbingwa ba fola, . . . bo shushu ba utwa, mi bafu ba zuha, . . .

“Mi likopano kaufela litile hamoho”? Ha i buleli cwalo, nji cwani? Batili. Ha ibulezi zeo. I iize:

. . . lihole za zamaya, ba mbingwa ba foliswa, . . . bo shushu ba utwa, mi bafu ba zuha, mi babotana ba amuhezi evangeli ha ikutazwa ku bona.

Seo kona sisupo. Mutalime:

Bao ha ba kutile . . .

Ya sa sitatali . . . kuna una ni mbuyoti.

Cwale amutalime: “Ya sa *sitatali* ku Na una ni mbuyoti,” ka manzwi amañwi, kamba, “ya Ni *swabela*. U na ni mbuyoti ya sa Ni *swabeli*.” Mwabona?

. . . bao ha ba kutile, Jesu akala kubulela kwa sicaba ka za Joani, Ki sikamañi se mu i lo bona mwa lihalaupa?

Mutalime mupolofita yo cwale:

. . . Ki sikamañi se mu i lo bona mwa lihalaupa? Lutaka lo lu zukuzwa ki moya?

Isiñi Joani. Oh, batili. “Mina lusika lwa linoha mwa bucwani,” a bulelela likopano zani, “ki mañi ya mi lemusize kusaba kwa buhali bo butaha? Musike mwa kala kubulela kuli, ‘Lu ba siemba sa *se ni sani*, kakuli Mulimu wakona kuzuba bana ku ona macwe faa.’” Oh, muzwale, ne si lutaka lo lu zukuzwa ki moya, ni yena.

. . . Lutaka lo lu zukuzwa ki moya?

Kamba, *muilo bona sikamañi? Muuna ya apezi liapalo za bulizi bobunde?* (Una ni kucinca liapalo habeli kamba halalu ha kutaza?) *amubone, baba apala liapalo ze bunolo, ba ina mwa mandu a malena.*

Bao ki bakutazi baba zwela kwande ku yo tubeta limbututu, mwa ziba, ni—ni kunyalisa babanca, ni—ni kuya kwa sikolo ku yo ambola za ngana fela, mi, mwa ziba, ni lika zeñwi za mayemo a sisali zee. Mwabona? Mwabona? Yena ha swali mukwale o zukuzeha kwa ni kwa mwa sibaka sa ndwa. “Ki sikamañi se mu ilo bona, ki mutangana ya cwalo?” Na li. . . Na sweli ku ba buza.

Kono ki sikamañi se mu . . . i lo bona? Mupolofita? (Amuteeleze.) ehe, mi Nili ku mina, mane ufita mupolofita.

Eeni, sha. Na li sikamañi? “Ali u ‘fita mupolofita?’” Na li mupolofita, ni kufita. Na li numwana wa lusika lwani.

. . . mu i lo bona sikamañi? Mupolofita? eehe, Ni li ku mina, mane ufita mupolofita.

Kakuli yo ki yena, . . . yoo za hae liñozwi kuli, Amubone, Ni luma numwana waka fapila ka, . . . kuli alukise nzila fapila ka.

Amu talime mwa Malaki 3. “Amubone, Ni luma numwana wa Ka fapila Ka.”

²⁴¹ Amutalime. Cwale, Malaki 4, ha luboneñi ni ibale. U ka taha hape.

. . . amubone, lizazi la ta, le li ka cisa inge ondo; mi baikuhumusi kaufela, eehe, . . .

²⁴² Leo ki kacenu. Ni zamaya mwa mukwakwa ni kubona sicaba. Wakona kubulela ni bona, mi wa ku seha, ku ku bona bukuba. Ni nahana kuli, “Ki sikamañi?”

Zazi leliñwi, Ne ni sweli kuzamaya, inge ni ikela, bukaufi ni miyaho kwanu. Ne ni sweli kuambola kwa batu babañwi, mi se ba bulela kuli, “Oh,” na zwelapili kuya.

Sesiñwi sa ni bulelela fela kuli, “Ki musili wa atomic, cwanoñu nyana ukaba mufuse mwa mubu. A ku basiye fela. U bulezi kozo ya hao. I tukise mi uzwe faa.” Haleluya! Ne ni sa lukeli kubulela cwalo, Na sepa. “Aku itukise. Utame makanda a hao. Na ku biza.” Ki kabakalelo ha Ni libelezi.

Kakuli, amubone, lizazi la taha, le li ka cisa sina ondo; ehe, baikuhumusi kaufela, . . . ni ba baeza bumaswe kaufela, ba ka fetuha sina matakala: . . .

Ona zeo kona mo li kabela. Ki sikamañi se si ezahala yomutuna. . . babañwi ba minabalimi; mulilo o mutuna ha upotela litema la mina, hase lili fela mufuse? Likaba fela kusina tuso, ni mufuse mwa mulaho wa lona. Kona se si ka ezahala, ha se li cwalo, ha se li cile.

. . . lizazi la taha le li kacisa, kubulela MULENA wa limpi, mi halina ku ba siya mubisi kamba mutai.

Hakuna ze ka siyala ku bona.

Kono haili mina ba ba saba libizo laka mu ka pazulelwa ki Lizazi la kuluka le lifolisa ka liseli mwa mafufa a lona; . . . mu ka zwa, mane mu takise sina manamani azwa mwa sakana. (Yeo ki Mileniamu.)

Mi mu ka hatikela baba maswe; kakuli ba kaba sina mulola mvatasi a lingandi za mautu a mina mwa lizazi le Ni tomile, kubulela MULENA wa limpi.

Kutaha mwa, Mileniamu. “Mufuse wa ba bamaswe.”

Muhupule. . . mulao wa Mushe mutanga ka, o Ni mu laelezi. . . mwa Horebe kwa Maisilaele kaufela, ona mulao ni litaelo.

Cwale, amuteeleze hande cwale.

Amubone, Ni ka mi lumela mupolofita Elia lizazi lelituna le lisabisa la MULENA li si ka taha kale:

²⁴³ Cwale, yoo na sa lukeli kuba Joani. Hakoni kuba yena, kakuli lifasi ne li ka sinyiwa kale ka nako yeo. Kono fa U ize, mwa Mateu 3, U luma numwana fapila Hae. Mi Jesu ali, “Yoo ki yena Elia yana lukela kutaha, ku to lukisa nzila fapila Ka.”

“Kono bomba yetuna ye ya atomic isika nata kale, Ni ka be ni mi lumezi Elia mupolofita.”

Mi uka kutiseza lipilu za bashemi kwa bana, ni lipilu za bana kwa bashemi, kuli Ni si ke na to nata lifasi ka sikuto.

²⁴⁴ Kupolofita, mwa lizazi le.

Kono cwale muli, “Oh, Elia yani, yanina lukela kuba Joani.” Numwana wa bulikani neli Joani, luli. Yeo luli ki niti. Jesu naize cwalo, mi li pakilwe mo, “Yoo ki yena yene Ni bulela.” Kono, mwa bona, neisike yaba Elia ya na sa taha. Mwabona? Neisike kuba cwalo. Kakuli, mwa bona, haiba neika yena, kipeto sipolofita ne si fosahalile; lifasi ne li si ka sinyiwa ka nako yani. Mwabona? “Kono lizazi lelituna lelisabisa la Mulena li si ka taha kale, Ni kabe ni mi lumezi Elia. Mi u ka kutiseza,” mutalime kutaha kwa hae kwa makalelo, “lipilu za bashemi kwa bana.” Kona sa na ezize, pili, atisa liñusa kwa lusika lolunca, ili kutaha kwa Kreste cwale, kuzwisa bashemi ba orthodox ba kale kuzwa kwa tumelo ya orthodox yani, kutaha mwa tumelo yenca ye ne sa zo pepwa fela.

Mi cwale ha taha nako ya bubeli, “Ni lipilu za bana kukutela kwa bashemi ba pentekota, Liñusa la makalelo.”

²⁴⁵ Cwale amutahe mwa Sinulo 3, mi muka bona mwateni hape. Kona kuli, li polofitilwe. Lu kwa nako ya maungulo, muzwale waka. Yeo ki niti.

²⁴⁶ Inge baplofita baba mianda yemine kulwanisa Mikaya, ba bulela kuli lu. . . Lu mwa lizazi la mafelelezo, lwa ziba. Mupolofita wa buhata, uka bonisa lisupo za buhata, ku ikopanya kwa likopano. Ba li, “Amutahe mu ikopanye. Ha lu ikopanyeni. Mutahe mu ikopanye kwa keleke ya luna. Mutise sicaba sa mina. Lu kwaluhile kakusasa cwana kuli mu shimbululele sicaba sa mina kuzwa mwa keleke *yeo* kutaha ku *ye*.” Oh, bukuba. Ki bunde mañi bobuli mwa buñata bwa ma membala ba mina? Haiba hauna buswa mwa Lihalimu, libala lika zeo. Baplofita ba buhata ba ka bonisa lisupo za buhata.

²⁴⁷ Kono, mutalime, baplofita ba niti, ba ka ina ni Linzwi la Mulimu. Lisupo za niti li ka tisa Linzwi la niti la Mulimu kwa Keleke ya niti, mi Keleke ya niti i ka amuhela Linzwi ni kunyakalala ka Lona. Mi mutapi o likani, o kaba fiwa mwa mazazi a maungulo, o kaba bo masiyaleti ba Bamacaba, baba ka shimbiwa mwabuse.

²⁴⁸ Mi Jesu ha na tile, nekusina—nekusina buñata kono neli fela babalikani bene ba lumezi. Sikwata nyana sa Joani ki sona se ne si lumezi. Jesu abanga kuzwa fani kuya kwapili, aeza balutiwa ku bona ni kuzwelapili. Mi Elia . . .

²⁴⁹ Mi sinyeho haitaha, nako ya Nuwe ha itha, na li yena sisupo, mi akenya sicaba mwa areka. Mi Elia ha na tile, azwisa sicaba mwa kulyangana ko ne bali mwateni. Mi Joani ha taha. . . Baplofita kaufela neli sisupo, sisupo, lisupo, sisupo.

Mi U lu sepisize sisupo mwa lizazi la maungulo. Mwa mazazi a maungulo ku kaba sisupo. Ki sisupo se si libezwi. Sicaba ha siboni lika. Ba fitelelanga fela fahalimu a lika, ni ku li tuhelela za ikela. Muzwale, kezeli, usike wa ikopanya kwa keleke. Ha lu boneñi ni bulele cwana, ka kukwala cwale.

²⁵⁰ Haiba ubile fela ni kutwisiso ya maikuto amañwi, maikuto a mubili, usike wa tiyela ku zeo. Usike wa eza zeo. Ku mina sicaba. Muna . . . Ni ambola kwa sicaba. Ni ba utwile ha ba sina fa tepu yesweli kurekoda kwa mulaho kwani, ona faa. Ni bulela cwale kwa Keleke. Mwabona? Amuteezeze. Musike.

²⁵¹ Ni bulelanga lika zeñata hahulu fokuñwi, ze cwalo, kuli sicaba kwande mwa naha kwanu, sipile ni Mulimu. Mubate sisupo sa mina sa niti. Mu ka si bona. Si kaba mwahala mina kaufela, kono ma milioni ba ka zamaya bukaufi ni sona kono ba palelwa ku si bona.

Jesu ha na tile, ne ba si ka Mu ziba.

Ne ba si ka lemuha Elia. Mwa ziba se ne ba bulezi Elia ha sa ile? Ne ba si ka lumela bukuba bwani. Ne babulezi kuli, “Ki bukuba.” Banana ba mwa munzi ona wani, mwa na pila. . . kwa na pila, kwa na kutazanga, ni kueza lisupo ni ze komokisa ona mwa naha yani, ha ku to utwahala mukosi, “Ha lu fumani Elia; Mulena na mu ngezi kwa lihalimu mwa kakundukundu,” ba seha taba yeo.

²⁵² Ki yo Elia ataha, Elisha, ni lisupo zeswana ku yena, mufuta wa Kreste ni Keleke ya Hae. Ki yo Elia ataha, ka kuswana; Elisha, lisupo zeswana za na nani Elia, ataha ni zona cwalo, inza eza cwalo. Mane neba bana ba bona babanyinyani ba mu latelela kwande, bali, “Wena wa sitenda tuwe, kiñi ha u si ka pahama inge Elia?” Mwabona se ne si ezahalile kwa bana babasina likute bani?

Kacenu ba seha ni kueza lisheha. Musike mwa bilaela, muzwale, katulo ya nyendaela mwa mbyumbyulu cwale. I ñozwi fa pata ya mu American kaufela. Yeo ki niti. Katulo ya nyendaela mwa mbyumbyulu, buhali kaufela bwa Mulimu Yamata kaufela.

²⁵³ [Hakuna manzwi fa tepu—Mu.] “Bahanyezi ba lika zende; bana ni mufuta wa bulapeli, kono oba latula mata ateni: ku musabe ku ba bacwalo.”

²⁵⁴ Musike mwa amuhela maikuto. Musike mwa amuhela maikuto. Musike mwa amuhela sika kaufela konji ha mu katana Mulimu, pata ni pata, mi mutuhele Moya wa Mulimu utahe ku mina. U ka taza pilu ya hao ni moyo a mata, ni lilato, ni kucisa.

²⁵⁵ Mulimu, ni tuse kuli ni fumane sibaka sa ka kwani, kokuñwi ka mazazi alikani atatama, ni siyale koo kufitela Ni bona muzamao wa ka.

²⁵⁶ Lu libelezi fa nako yetelele. Ni libelezi fa nako yetelele. Na hupula hane ni ngwenjula patelo yaka kwa mandamino kwani. Ha Ni yaha ndu fa halimu fa, Mulena a ni biza. Musala ka alila kakuli na sa lati kusiya bomahe. Ali, “Mwendi ha bana ku babalelwa . . .”

Se nili, “Nina boma ba macembele, nina.”

257 Ne ni inzi fafasi fani, zazi leliñwi, inge ni ngwenjula bucwani. Na ina fafasi. Ka kuutahala fela hande, Linzwi la taha, lali, “Zwa kwateni wena, mi Ni ka kufuyola.”

Se nili, “Mulena Mulimu, ni tabise kulo faa. Wabona se Ni lwanisa.”

258 Lika zeo kaufela lifelile cwale. Boma Broy ba mwa Kanya; Boma Branham, nibona.

“U kai muzamao waka, Mulena?”

259 Katulo ika nata naha ye, leliñwi la mazazi aa. Kuna ni linaha zeñwi ze si ka utwa kale Evangeli. Kuna ni libaka.

260 Kaufela se mueza, musike mwa libala manzwi aa. Nji cwani. Se ha si kakatele. Mulimu ange siñoliso sa sipi mi ali falule mwa lipilu za mina, kuli musike mwa li libala. Musike mwa libala lika zee. KISONA SA BULELA MULENA. Amukutele ku Mulimu, ka lipilu za mina kaufela. Amu kute. Musike mwa itingeta fa maikuto, maikuto, kamba sika kaufela. Mubate Mulimu ka lipilu kaufela, kufitela sika siezahala ku wena, so bata kuotolola hande, mu bate kuba ba bulapeli, mu sabe Mulimu, mu—mu tabele kupila ka swanelo. Mueze seo. Musike mwa libala zeo, kakuli lu kwa maungulo a nako. Cwale, muhupule, lu kwa maungulo a nako.

261 Mi muhupule se, hane Ni kwala, kuli ni lapele fa muzuzu nyana. Musike mwa libala. Amu ni utwe, tabernakele. Haiba tepu ye i sa ya, mu ni utwe, lifasi, kamba kaufela ko i ka ya. Ku ka taha sisupo, sisupo sa niti. Mwendu si tahile kale mi si libezwi, sisupo sa niti seo Mulimu kamita afile, se si libezwi.

Halu lapeleni.

262 Jesu wa Nazareta, sina Linzwi lelituna lani ha ne libulezi kafani zazi lani, lisunda nyana zefitile, inge ni yemi kwatuko, hane Ni sila tula musumo wani, bukaufi ni kota, mi Moya wani wa shetumuka kutaha mwa matali a likota ani mi lali, “Jesu wa Testamente ye Nca ki Jehova wa ya Kale.” O Mulimu, fa Licwe le kona fo Ni yema. Libaka zeñwi kaufela ki lishabati lelitiba. Libaka zeñwi kaufela ki lishabati lelitiba.

263 Seli myaha ye mashumi amalalu cwale, Mulena, Ni lilile katatga, mwa musindi moo. Liñusa lani, ha Ni si ka shenya neba hañwi ku Lona, kuzwa fone Ni kalezi, ki Liñusa fela le liswana, ki nto yeswana; kubiza sicaba kukuta, isiñi kwa maikuto, kono kwa kutwisiso ya kukopana ni Mulimu ni kupepwa ka Moya wa Hae. Oh, ki sikamañi se si ka siyala hape kwanda katulo? Bona ba bahanile Liñusa, Mulena, hakuna se si siyezi.

264 Wena u talelize Linzwi la Hao, kuli ubonise lisupo za lizazi la mafelelezo, ni ku lipaka kusina kupalelwa, kuli Wena u Mulimu, ni kuli luteni fa. Neba ha lu utwa babuleli babatuna mwa naha kacenu, kaufela basweli kuhuwa katata. Mi nkambe ya naha ya luna, ni linaha zeñwi za supa, mi—mi sabo itile. Mi ha mu utwa

baana ba batuna baa, babakeni mwa France, mi ba bulela kuli ndalamiti yapili ika wela mwa Louisville, Kentucky, ka limaili ze mianda anda li ka fiyela naha kaufela. O Mulimu, nebana ni kolo ya ku utwa, kono ba palelwa.

²⁶⁵ Mitende, libyana za keleke, televishini, wayalesi, i li patalalize. Hakuna buinyazo. Mi, Mulena, U ize, “Kaufela bao Ndate a Ni file ba ka taha, ni hakuna yakona kutaha konji Ndate ha mu bizize pili.”

²⁶⁶ Cwale, Ndate, Ni lapela tapelo ye kuna muñi. Ki Na yo, ni ya ni supala cwale, mi ha Ni zibi kuli ki mazazi amakai e lu sialezwi ki ona, Mulena. Hakulata halukoni kuba ni amakana kuzwa kacenu. Kono kaufela a siyezi, Mulena, ni a siyezi mwa bupilo bwaka, O Mulimu, kana ku bunolo kuli Uka a nga ni kueza sesiñwi ka ona, kwa kanya ya Hao?

²⁶⁷ Na i tapelela, Mulena, kuli U ni fe tato ya Hao. Ku ezwe tato ya Hao, Mulena, kaufela seo sikona kuba sona. Ni bata kuli li yo bulelwa ka zazi lani ha Ni taha ku yo Ku katanyeza kuli, “Ku bile hande.” Haiba ki nto yetuna, kamba haiba ki yenyinyani, kaufela sesili mwa pilu ya Hao yetuna kwa bupilo bwaka, Mulena, ki Na yo faa.

²⁶⁸ Luma Lingeloi ni lishala la mulilo mi u kenise milomo yaluna ni ku lu kenisa, Mulena, bakeñisa sika sesituna sesina ni kunata mwa lifasi. Ha lubeñi linzwi le li huweleza mwa lihalaupa la sibi, “Mu itukise ku katanyeza Mulimu.”

²⁶⁹ Keleke nyana ye, sicaba se si tahanga se, zazi ni zazi, ni kukoboca limaili ze mianda anda, O wena wa Kuyakuile mi ya lilato, mane ha u libali kezo, Mulimu wa Abrahamama, Isaka, ni wa Jakobo, Ya na zuzize Jesu kwa bafu, mi cwale U inzi kwa lizoho la bulyo la Bulena bwa ka Lihalimu, Mulimu ya na pilile mwa nama, fuyola sicaba see bao Ni fuyola ka Libizo la Hae. Mi ha ba hupule kamita ni kuziba kuli kuna ni sisupo, sisupo sa maungulo. Ni lapela kuli U ba fe zona, mi u baeze bakomi ba babañwi: mwa musebezi wa bona, kaufela ko bakona kuba, mwa manganaandila a mikwakwa, fa manwelo a mafula a limota, kamba kaufela ko ba kona kuba, bapake mwa sintolo sa kuleka lika, ku mulekisi wa mabisi. Kaufela seo sili sona, Mulena, haiba sesiñwi sa ba lemusa mwa lipilu zabona, ha babe lipaki. Ha bapile ka bumulimu hahulu ni bupilo bo bu kenisizwe kufitela babe mañolo a ñozwi mi abalwa ki batu kaufela.

²⁷⁰ Mulimu, fuyola bahame ba luna. O Mulimu, Ni lapela kuli U bakonise kutapa kwa lifateho za bona, baba si ke kutapa, unge . . . mipende ya Jezabele yani u ba amuhe yona. Ha babe ni bundume bwa Bakreste, ni Moya wa Mulimu fahalimwa bona, ka buñata, ka kuziba kuli haba lukeli kutinanga lika ze si ka kena zani. Milili yabona ha i hule, sina likalibe. Kakuli ku ñozwi mwa Bibebe kuli, “Ki babande mwa meto a Mulena ba mutai o munyinyani wani o ka banduka lika ze taha mwa lizazi

la mafelelezo. Li kaba ze kanya mwa meto a Mulimu,” sina mupolofita ha na bulezi kale. Mulimu, aku lumeleze cwalo.

²⁷¹ Hakuna hape ze Ni kona kueza. Ni huwile ka linzwi laka, ka silimo ni silimo, Mulena. Mi konji haiba Wena u ni shimbulula cwale, hakuna se Ni kona kueza. Ni lapela kuli, kuli Wena wakona. Mi Ni ziba kuli Uka kona, kakuli U li sepisize mwa Linzwi la Hao. Mi foo kona fo Ni yemi. Na nikona fela kufa bupaki, Mulena. Mi hakuna mutu yakona kutaha konji haiba U mu bizize; mi kaufela be Ndate anani ba ka taha. Ni na ni sepo yeo, kuli Linzwi la Hao li ka bulukiwa. Lu fuyole, Mulena.

²⁷² Mi haiba kuna ni babañwi mo babaitingile fela fa maikuto, mwendi ba huwile, bona, mwendi bana ni Moya o Kenile, kamba . . . Halukoni kubala zeo, Mulena, kakuli lu boni batu kwa libaka za lipapali za mbola, ha ba huwa. Lu boni batu kwa mikiti ya lifasi, ha bahuwa. Lu boni baba tabelanga mane konji kulila, ku alabana mwa mubu, kubina, ni lika zeo kaufela. Zani ha ki Wena, Mulimu.

²⁷³ Kono ku kopana ni Wena ni kuambola ni Wena, ni Wena u kutisa kalabo, zeo kona ze lubata, Mulena. Oh, Na Ku lapela, Mulimu, ka yona nako ye luli, kuli Ulume Moya o Kenile wani kutaha mwa sibaka, ona sibaka sesinyinyani, se si ishuwile se. Hakuna sibaka se si Mu swanela kutaha ku sona. Kono Na lapela, Mulimu, kuli, ka nzila ya Hao fela, kuli U Mu lume onafa cwale atahe mwa sibaka. Akolise mioyo.

²⁷⁴ Sina ha Ni bulezi fa nako nyana, Mulena, mwendi U beile sitataliso mwa nzila ya mutu, ka lipizo za kwapili zee, kukombelela ni kuhapeleza sicaba kuya kwa pata. Mi ha lu yo kuta isaho, lu ba fumana mwa buino bo bumaswe hahulu bana ba lihele kufita mo ne ba belanga sapili. Bakona kutaha cwani kwanda kuli U ba kolise ni ku ba swabisa, wena Moya o Kenile omutuna?

²⁷⁵ Mi Na Ku lapela, Mulena Mulimu, haiba muezalibi wa muuna yani kamba musali, mushimani kamba musizana, yaliteni mwa muyaho wo kakusasa cwana, kuli Moya o Kenile utahe ni mata a kolisa a cwalo mioko i ka buba fa malama a bona ni kukena mwa mioyo ya bona, Mulena, kuli kuzwa mwa butungi bwa lipilu za bona ba ka lumela ni ku amuhela Kreste. Lumeleza cwalo, Mulena. Ha ba tokwi aletare. Moyo wa bona ibe yona aletare yabona. Lumeleza cwalo, Mulena. Mi batahe ka lipilu-zetezi ku Wena, ni ku bulela kuli, “Ni bata cwale ku kolobezwa ka Libizo la Jesu Kreste kwa swalelo ya libi zaka ze Ni bakezi.” Lumeleza cwalo, Mulena. Ba taze ka Moya o Kenile.

²⁷⁶ Lufe babuleli mwa lifasi kacenu, isiñi baba hapeleza ni kuhoholola, ni kueza bana ba likopano. Mulimu, i kuliseze bana ba Hao. Ube ni sicaba, Mulena, se si lapela. Ni hupula ndu ya Kornele. Ne li si ka ezahala kale ku Bamacaba fateni, kono ne ba itima lico ni kulapela. Mi cwale muuna Mulimu yani, mupolofita,

hana yemi fani, “Mi inza bulela manzwi aa, Moya o Kenile wa tulukela baba utwile Linzwi.” Mulimu, lumeleza mukopano wa mufuta o cwalo. “Pitrosi ali a sa bulela manzwi aa.” O Mulimu, ne ba itukisize. Ne ba itima lico. Ne ba libelela. Ne ba sepahala. Ne ba sa “libeleli,” fela ne ba “libelela kufitela.”

²⁷⁷ Ba apositola bani ne ba libelezi kufitela Mulimu atuluka mwahala bona, mi ba Mu bona ni kuambola ku Yena. Ba zwela kwande ni lipilu ze ne cisa lifasi kueziwa bunolo. Neba li lindume, mi ba yema mwahala libaka ko ne baka pumiwa litoho za bona. Se bali, “Kana ki swanelo kuli lu mi utwe, kamba tutengo twa mina, kamba mina baana ba likopano? Kamba, kikuli lu utwele Mulimu? Mu i katulele ili mina.” Mi ona fani fela, bamano lukululwa fela, ba yo kutaza Libizo la Jesu Kreste hape. O Mulimu, lufe—lufe zeo, Mulena.

²⁷⁸ Zusa yena Yo bulela mwa Mañolo, ku luna. Umu toze, Mulena. Na mu biza. Mu lume, Mulena. O Mulimu, lipilu za luna ze lapile za lila. Mu lume, Mulena, ya ka kutiseza sicaba kwa Tumelo ya bashemi hape, ya ka zwa kwa lipupe za likopano zee, kutaha mwa kutwisiso sakata ni Mulimu, sina mo ne ba ezelize kwa Pentekota, keleke sakata hape, ituke, ni Liñusa leliswana, Tumelo yeswana, Tuto yeswana, Bibebe yeswana, yena Mulimu yaswana ni sisupo sesiswana. Lu zuseze mupolofita, Mulena.

²⁷⁹ Folisa bakuli baba mwahala luna kacenu, Mulena. Bao ki bona baba tokwile. Na ba lapelela, Ndate. Ni bile nako yetelele hahulu, kuliyeha kakusasana cwana, mi kuna ni baba inzi moo.

Busihu bulibuñwi, muapostila Paulusi ha na kutaza busihu kaufela, mucaha awa kuzwa fahalimwa muyaho ni kuipulaya. Na ti lo ozela. Na sa lati kulobala, kono na—na ti lo ngumoka. Mi awa, mane bupilo bwa hae bwa zwa. Mi muapostila alapela, mi bupilo bwa kutela kuyena hape.

²⁸⁰ O Mulena Mulimu, kuna ni babañata mo baba wezi mwa butuku. Mi halunze lu libelzi fa nako yetelele kufitelela nako ya kulukulula keleke, kuna ni baba kula. O Mulimu, lumeleza mata ani, kuli—kuli Moya o Kenile wani utathe ka butut mwa Siita sa Mulilo, Ya itoloka Iliyena ni kuikeza Iliyena kuzibahala kuba Yo ali Yena, mi lwa Mu lumela, Ha beye mutu ni mutu mwa sikwenda mo kacenu. Folisa bakuli. Bataze ka Moya. Ufe tukuluho mwa mukwa kaufela, Mulena, mo lu tokwile. Kolobisa lipilu za luna ka tumelo, Mulimu, ka tumelo ye sa shwi, ka tumelo ye sa ceputuki ya kuli luna ni zeli KISONA SA BULELA MULENA. Lumeleza cwalo, Mulena.

²⁸¹ Ki sicaba sa Hao, Liñusa la Hao, Linzwi la Hao, batanga ba Hao. Mi diabulosi haana mata ku luna. Mane hakoni neba ku lu sinye tabernakele ye ha i sinyizwe. “Kakuli haiba tabernakele ya nama isinyiwa yee, luna ni yeñwi ye libelezi.” Hakuna bumaswe bo akona ku lueza, kakuli kaufela sesili sila sa luna ki sila sa

Hao, kakuli lu ba Hao. Lu lekilwe ka teko, ya teko ya Mali amande a Jesu.

Kabakaleo, mina mioya ye tamile sicaba se ka makulano, Na mi kalimela, ka Libizo la Jesu Kreste, kuli muzwe ku mañi ni mañi wa bona. Ka kuba mutanga Mulimu, ni nga Linzwi le kuba Niti, a mu ba siye. Hamuna liswanelo. Sika kaufela semukile mwa bata kuba ni sona, ne si kasuzwi fa Kalvari. Mi hamuna ku ba swala ni hanyinyani.

²⁸² Cwale, Mulimu, aku fe muuna kaufela ni musali, mushimani kamba musizana yaliteni mo, tumelo ya kulumela seo. Linzwi li bulezwi. “Ha mu ka bulela kwa lilundu leo kuli, ‘Shimbuluka,’ mi mu sa bilaeli mwa lipilu.” “Tapelo ya tumelo i ka pilisa ya kula.” “Mu kaba ni se mu kupile.” Lwa ziba cwalo. Luna ni sepo yeo ku Mulimu. Haiba luna ni tumelo ifi kaufela, haiba Mulimu u pila ku luna, lwa lumela cwalo. Mi Ni ziba kuli ku cwalo, Mulena. Kacwalo, lumeleza seo, kacenu, kwa matuku ni puluso. Kamba, Ni lukela kubulela, kamba ni lukela kubulela, puluso pili mi kutatame matuku. Lumeleza cwalo, Mulena, kakuli moyo u butokwa hahulu kufita mubili.

²⁸³ Kono haili bona, linako zeñwi, bee mioyo yabona ipiliszwe, mi mubili wa kale wo u sa li ku Satani, mi u ziba kuli u ka unga ka nako ya maungulo. U ka u luba ni ku uluma hape mane likokwani za lifasi lika nyafuta ku ona ni ku uca kufeza. Kono haana ku swala kwa moyo wani, kakuli ki lifa la butokwa la Mulimu. Mi ka bona bupilo boo, inge mwa litali, bu kutela ku Mulimu Yana bu file; bu ka taha mwa mwaha otatama, ka mubili o munca o Satani hakoni kuswala. Mane neba busupali kamba sika kaufela hasina ku u swala. Ikaba mubili o filwe kanya. Kona o lu libelezi, Mulena. Fuyola sicaba sa Hao cwale. Ki ba Hao. Mi Ni ba beya mwa lizoho la Hao. Ni kupa ze ka Libizo la Jesu.

[Muzwale Neville wa polofita—Mu.] Kanya. . .
Kulumbwe. . . [Muzwale yomuñwi wa polofita.]

²⁸⁴ Leo ha ki linzwi la ka. Leo ki Linzwi la Hae. Oh, ze lu tokwa, hola ye—hola ye lupila kuyona! Kikuli ha mu utwisisi, balikani, kuli Mulimu ha tahangi kwa baika babatuna mangwangwa? U pila mwahala baba ishuwa, ba banyinyani, lika ze ishuwa. Hakulata mwendi ha mu lemuhu ze ezahala cwale, se si zamaya mwahala muyaho wo, se si zamaya mwahala sicaba se ona fa cwana.

²⁸⁵ Kiñi Moya ha u bulezi kuli, sapili, “Kale Ni si kaba ezeza kale sika,” ka Muzwale Higginbotham? “Mutokomele Liñusa le, kakuli Ni li tisize,” nto yswana sina cwalo, “ku mi lemusa ka nto yetaha yee.” Mutalime se si ezahalile.

²⁸⁶ Lika zeñwi, Mañolo e Ni ñozi fa, mane ha Ni si ka aswala, mi ni Afitelezi fela. Ne ni isizwe kwani ka Moya o Kenile. Mwabona? Mañolo amañwi, mane ha Ni si ka aswala mane. Ni ile fela kwa

nto isili, kaufela. Fa ni fa, ni utwa nto yeñwi yetaha, na apula mi na ifumana foinzi. Moya u bulela mwa maneku kaufela cwale.

²⁸⁷ Oh, sicaba, amube ni niti, amu sepahale. Musike mwa lika kutiyela fa. . . Mwabona, musweli—musweli kulibeleda nto yetuna yebenya.

Mi, baplofita kaufela, mane neba Davida naize, “Fa Kutaha kwa Mulena, kuli, lilundu kaufela li ka ulululwa, mi ni—mi ni misindi kaufela ika ubelwa.” Ali, “Malundu aka takisa inge lingunyana, mi matali kaufela akambebe mazoho.” Kihande, ki sikamañi se ne ba hupuzi batu kuli kona se si ka ezahala, foo. . . Jesu ha taha?

Ne li ti lo fetuha kuba cwani? Mukutazi ya ishuwile, ya sina tuto. Wa lilimo ze naini za kupepwa, aya mwa lihalaupa, isiñi ku yo lutiwa ki mutu, kono ku—ku lutiwa ki Mulimu. Ayo kuta, ni kuyema ni siemba sa mukata wa ngu inza itamile mwa teka, ni bulizi kwa sifateho kaufela, mahaha kai ni kai fwakaa, ni milili inge i lepelela mwa mulala wa hae. Inza pila mwa lihalaupa, kuca linziye, limbimba, nziye ya mwa naheñi ni linonsi, ha na sa pila mwa lihalaupa. Mi ataha, ayema mwa sileze fa likamba, ni kubulela za kutaha kwa Mesia. Mi Mesia ataha ona cwalo, Muuna ya sa zibahali mwahala sicaba, mi a kolobezwa. Mi baplofita kaufela ba bulela kuli neli iliñwi ya lika zetuna zekile za ezahala, mi neli yona. Mwabona?

²⁸⁸ Ba bata sika sesituna, nto yeñwi ye benya, kuli iezahale. Mwabona? Moya o Kenile ha u benyi. Wa monyeha. Kubenya ki kwa lifasi. Kumonyeha ki kwa Mulimu.

Ni monyehela, Mulena, kona tapelo yaka. Aku ni kokobeze. Ni nge, ni bupe mi ni eze. Moya wa Mulimu yapila, buba sinca ku na. Ni bupe, ni eze. Ni eze wa Hao Tota, Mulena. Aku ninge fela.

²⁸⁹ Ni ziba fela hande kuli Moya wa Krete usweli kuzamaya mwa muyaho mo kakusasana cwana. Yena Mulimu ya ka atula lifasi uteni mo cwale, mane umwateni inge mo Ni yemezi fa katala faa. Kubile lisupo silisiñwi, zepeli, zetalu za zona, za Linzwi, ona cwalo fela Bibeles mo i bulelezi. Kana mu si utwile ha si kuza ka nako yani, kuzwa fani? Iliñwi, zepeli, zetalu, lika kaufela mwa muzamao waza moya, lika kaufela mwa buino bwa Mañolo. Oh, amu kwalule lipilu za mina ni ku utwisisa. Oh, nak yecwalo, ki sikamañi se sikona kuezahala ka nako yee!

²⁹⁰ Nebali mwa ndu ya fa halimu, kaufela bona mwa buñwi, inze ba libelela. “Kakuli baba libelela ku Mulena ba ka fiwa mata. Ba ka pahama lilundu ni mafufa sina mbande.”

²⁹¹ Musike mwa ya fela kwani ni kubulela kuli, “Mulena, Ni swabile ka libi zaka. Cwale Na amuhela ka tumelo yaka kuli Ni nani Moya o Kenile,” ni kuzwa fateni.

“Ba ba libelela ku Mulena,” lisunda, mazazi, seo sili sona kaufela, “ba ka ncaafazwa mata. Ba ka pahama lilundu ka

mafufa a mbande. Ba ka mata ba sa katali. Ha ba ka zamaya, habana kuzwafa. Ni lute, Mulena, ni lute, Mulena, ku libelela.” Kulibelela ku Mulena.

²⁹² Musihali ni busihu, ka tundamo, Ann nali mwa tempele, inza lapela ka tundamo, musihali ni busihu. Ha ba yo tisa Jesu mwahali, musali akena ni yena, sibofu, kutaha mwa muyaho, azamaya kwa ni kwa. Musali wa sibofu a Mu beya mazoho ni kulumba Mulimu. Kakuli, mwa bubofu bwa hae bwa nama, mwa moya wa hae, na zamaiswa ki Moya, kuyo punya ni fa Na yemi.

²⁹³ Fani, Simioni, inza Mu libelela, kwa mulaho mwa muzuzu wa litapelo kwani, a ziba kuli nana ni sepiso, ka Moya o Kenile, kuli haana ku shwa; ali musupali, eite, mane bukaufi ni myaha ye nainte ya kupepwa. Mi na . . . bulelela sicaba patalaza, “Hanina kubona lifu konji Ni bone Mesia.” Mi ka nako yeswana yani, Mbututu yo munyinyani . . .

Nali Yena mañi? Isiñi muika lingwangwa, balibeleli kaufela inge bayemi bali kuoma ha ba kenya Mesia mwahali, limbututu ze tatelizwe hande zende, ni ze selilwe sende yende, ni kufafalezwa inge limbututu zetaha kwa ku neelwa. Kono me yomunyinyani ya na bulezwi ze maswe, ali, “Nana ni Mbututu, ya pepezwi kwande a linyalo leli kenile.” Atatelizwe mwa masila a likomu, a coko, libyana za coko ya likomu kona za Na tatelizwe, inza zamaya mwa muyaho, mane mañi ni mañi inza Mu saba.

Kono fa kwa taha sikwata nyana sani, sikwata nyana sani. Anna, ku alimuñwi. Simioni, yomuñwi, ataha cwalo mwa mukoloko, a sa zibi kuli uka Mu talimela nako mañi. Mi ananula mazoho a hae mi ali, “Mulena, lukulula mutanga Hao azamaye ka kozo cwale, kuya ka Linzwi la Hao, kakuli meto a ka aboni kupiliswa kwa Hao.” Hum. Mwabona? Hakuna zetuna, zebenya. Ki kumonyeha; ni ha li bulelwa bumaswe, ne li sisupo.

²⁹⁴ Mi, kacenu, sisupo si bulezwi bumaswe. Hasina balikani. Si—Si. . . Si bulelwa ka bumaswe, ni kubizwa lika kaufela. Kono ki sisupo se si libezwi, sisupo se si bulelwa zemaswe. Biblele ibulela ze cwalo, “Ki sisupo, se si bulelwa bumaswe.”

²⁹⁵ Ha lu hupuleñi se hanze luya kwa malapa a luna. Musike mwa tuhela Liñusa le lishwe mwa lipilu za mina. Kaufela se mueza, musike mwa eza cwalo. Mu nahane fa litaba Ze, musihali ni busihu. Ni kulapela, musihali ni busihu, kuli Mulimu azuse paki ya Hae cwale. Lu itukisize, kakuli Na lumela, cwanoñu, nako haisana kuba teni. Lwa taha.

²⁹⁶ “Cwani, ikaba lili kana, Muzwale Branham?” Ha ni zibi. Mwendu ki kacenu. Ikona kuba kamuso. Haiba ha ki kacenu, Ni ka ilibelela kamuso. Mi ikona kuba mwaha woo, mwaha otatama, myaha ye lishumi. Mwendu myaha ye mashumi amalalu, Ha ni zibi fo ika bela. Kono Ni li, kuzwa fa kuya kwapili, amu itukise ka muzuzu kaufela.

²⁹⁷ Mi musike mwa nga sika fela sa fela-fela. Musike mwa eza cwalo. Musike mwa pumula, musihali ni busihu, kufitela muambola ni Mulimu. Mu i puluke kwa bufitelezi bwa tumelo. Musike mwa hatelelwa ki maikuto. Musike mwa eza cwalo. Zeo kona zetisa hahulu lika ze ipitezi mwa miinelo ni kueza sicaba kusaba ku zona, mwabona, bakeñisa tumelo yefitelezi ye ipitezi. Musike mwa amuhela zeo; batili ni kamuta. Muine hande ona foo kufitela mu ambola ni Mulimu. Kakuli mane, ki moyo wa hao, mi ki wena ya ka yo ina Kuyakuile kafani. Mi ubone hande kuli ha u swali fela mwa mazoho ni ku amuhela tuto ya tumelo, kamba—kamba kuamuhela sika ka tumelo. Musike mwa eza cwalo. Mu bulele ku Mulimu. Ni Mulimu ambole ku mina, mi mutalime se si ka ezahala ku mina. Utalime litakazo za hao ni se si ezahala, mi uka ziba haiba u bulezi ni Mulimu kamba nee.

²⁹⁸ Ku mina baba lumezi ku Yena kakusasana cwana. Ku mina, mi Ni—Ni bulezi za lipizo za kwa katala. Kana mwa ziba mo ne ba ezeza mwa Bibehe? “Buñata bwa babane ba lumela ku Mulena, buñata bwa babane ba lumela ku Mulena neba kolobezwa ka Libizo la Jesu Kreste kwa swalelo ya libi za bona.” Haiba wali kuba. . . Ne lu sa bangi ni lipizo za kwa katala. Ne ba sina batu bene bataha kwa pili. Ha mu eza cwalo, mu kaba ni lika kaufela. Fa kuna in mutangana yatile kwa katala, ya bonahala bungulunde, mi wa kubama, kakuli yomuñwi ulikile ku mutisa. Una—una—una ni butata boo habeli kuli u yo mubiza hape. Mwabona? Mi ki sikamañi so eza? Mukaba ni lika kaufela mwateni. Mi Jesu naize, “Kaufela bao Ndate a Ni file baka taha ku Na.” Mupile ni Linzwi leo. Mulimu uka eza se siyezi za lona. Yeo ki niti. Yeo ki niti. Mulimu uka eza siyezi za lona.

²⁹⁹ Mulimu ami fuyole. Ni sepa ku mi bona hape busihu boo, na sepa, ufi ni ufi wa mina kaufela yakona. Ni ziba kuli buñata bwa mina mu ka ba siyo, muya kwahule. Ni kaba fafasi, busihu boo, ku li ni utwe muzwale waka, haiba ki tato ya Mulimu. Ha ni lati kunga mañusa a hae kaufela amabeli.

³⁰⁰ Mi—mi Muzwale Neville ki muuna yomunde wa Mulimu. Mi Na ziba, Na ziba yoo. . . Ha Ni mu utwa inza kutaza, Ni ziba kuli lizwelela hande kwa pilu ya hae. Na ziba cwalo. Mi Muzwale Neville, sina ha na bulezi busihu bobuñwi, manzwi ani, ali Ne ni bulezi taba yeñwi, “Zazi leliñwi Ni ka mu kolobezwa ka Libizo la Jesu.” Ni mukolobelize. Kiñi? Ni boni busepahali ni buniti ku yena. Ne ni ziba kuli haiba u. . . ne lika fiwa ku yena, ni kubona kuli na. . . mi yena—yena na ka Li bona luli, meeto a hae ha na ka kwaluha, na ka Li amuhela. Na libelela, ni ku bulelela keleke kuli, “Musike mwa bilaela, mukutazi wa Methodist yani uka taha fela hande.” Mi ki yo fa kacenu, mulisana wa tabernakele, ki ya tiiselize hande mwa musebezi ka mwa konela kubela, mwa Liñusa. U lumela ku Mulimu. Mi Na ziba, ha Ni utwa sika kuzwa ku Muzwale Neville, Ni ziba kuli ki sa niti, sizwa ku Mulimu, kakuli yena ki mufuta wa muuna ya cwalo.

³⁰¹ Ni beile mazoho aka fa litaulo za mina fa ze lapelezwi zee. Ka kusepa kuli, mañi ni mañi wa mina u amuhezi mbuyoti ku Mulimu. Ni sepa kuli Mulimu u mwa lipilu za mina.

³⁰² Ha lu—ha lu tahangi kwanu kuto—kuto amuhela mbuyoti ku Mulimu, hahulu, sina mo lu tahela kwanu. Zazi ni zazi ha lu buyela bupilo, luba ni mbuyoti yezwa ku Mulimu. Se lutahela kuto eza kwanu, ki sikuluho, ku to ikambusa, ku to kenya lipilu mwa mupato, ni kuba fapila Mulimu, ni kulumela Mulimu ka lipilu zaluna kaufela.

³⁰³ Muhupule Linzwi la Mulena. Mi mu si libali, mu si palelwi, kubona sisupo sa niti se si lumilwe kuzwa ku Mulimu.

Mi kihona Ni ka sikululela sebelezo ku Muzwale Neville, a bulele kaufela za bata kubulela.

[Muzwale Branham uzwa fa katala, ni Muzwale Neville uli, “Na luli, mawi, Na mi bulelela, Ni zibile kuli Mulimu u pakile ze ne lulukela ku kulubela kwa makalo a sebelezo. Sina ha Ni talima lifateho zeñwi ze, kakusasana cwana, Ni ziba kuli ibile nto yende ha mu fumanehile moo. Mi kubile hande kuli Nina ni fumanehile moo. Mi Ne ni swanela kuba moo, ni mina ne muswanela kuba moo. Tumo ya mina i talelelizwe luli hande haiba mu italima kuba cwalo. Se muna ni kakusasana cwana, mwakona kuba ni sona kakuli mu ni amuhezi ku Mulimu. Mi hañi hañi lukaba ni sebelezo ya kolobezo, kutatamaku yee. Mi Muzwale Willard Collins uka zamaisa sebelezo ya kolobezo, mi luna ni bababeli kamba babalalu ba kukolobeza. Mi lu ka tabela kubona baba mwanda baba kolobezwa ka Libizo la Jesu Kreste, kakusasana cwana.”—Mu.] Amen! [“Muikataze kubonisa tumelo ya mina mwa mukwa o iponahaza. Tumelo ha ki musebezi. Tumelo, ye bulezwi, ha ki yende. Kono tumelo, ye bonahala, kona mulao wa Bibeles.”] Amen! Yeo ki niti. [“Ka ku utwela, tumelo yakona ku bonahaliswa. Mi Mulimu ha alabe ku mañi ni mañi, kakusasana cwana, yali moo, ya ikutwa swanelo ya kueza cwalo, ha mu tahe. Haiba se ki . . . Haiba se si zwile mwa mukwa o mu lukisize, kamba mwendi nemuna ni taba yeñwi ya kueza kapili, kamba nto yeñwi, haiba mwakona kuliyehisa zeo, ni kuzwelapili mwa kezo ya kuutwela yee; Na lumela sina muzwale wa mina ya ishuwile ku Kreste, mi sina mubeleki hamoho ni mupolofita wa Mulimu, Ni lumela kuli ikaba—ikaba keto ya mina yende, kuli mupange buiketelo boo cwale.”] Mulimu lumeleza seo . . . ? . . . [“Mi a lumeleze kuli mu yo taha, ni kuina mwa libaka za mina mwahala babañwi babaka kolobezwa, kuli mube mwa sikwata se, se si panga mutapi olikani. Oh, ki nto yende, nji cwani, kuba alimuñwi wa Hae, ni kuba ka Linzwi la Hae? Ha lu yemeñi kaufela hamoho, hanze lu itukisa kuzwa. Sunda yetaha, Muzwale Branham uka kuta abe ni luna hape. Ha lu hupuleñi zibiso yeo. U bulezi kuli ukaba fafasi fa busihu kacenu, kono ha si ka bulela kuli uka kutaza. Konohe, takazo yaka kikuli, kamita, kuli akutazange. Mi ha lukeli kubanga ni sabo kamba

Na yema foo. Katazo yaka ki kuli luli, ka kuziba kuli Liñusa mi ni—ni pizo, ofisi yanani, ya tokwahala hahulu mwa lizazi le. Na fa sibaka, nako kaufela. Ni ka bulela se fapila sicaba ni yena. Na, ni itakaleza kufa sibaka ka tabo, ka nako kaufela, mwa sebelezo kaufela, kwa Liñusa leli butokwa le Ni lumela. Kakuli, Mulimu u bulezi ka luna bababeli, kakusasana cwana, kuboniseza sisupo sa se. Mi Ni tabile kuba ni lithonolo la kukona fela kuba yakona ku mu fa sibaka. Mi Ni lata kuli, busihu boo, kuli Ni kaabela kueza cwalo, haiba muzwale waluna, ni mutanga wa Mulimu ni mupolofita, na kaabela kueza cwalo, Ni ya tabile hahulu kufa sibaka ku yena. Kuya fela ka linzwi la hae, kaufela mwa ikutwela. Kono, u bulezi, mi lu ka yendeka fela mafelelezo a taba kaufela mwa mazoho a Mulimu Yamata kaufela.” Muzwale Branham ukutela fa katala—Mu.]

³⁰⁴ Ha mukoni kukupa ze fitelela foo hape, nji cwani, ku muzwale wa luli? Libaka le Ni . . . Mwabona, balikani, Na—Na ziba mwa ni lata. Mwa lata Muzwale Neville. Mwa lata batu ba Mulimu kaufela. Lwa latana. Haiba ku kile kwaba nako ye lu lukela kulatana ni kufita, ki kacenu. Lu swanela kuba hahulu fa kaufi hamoho, muzwale, kuli lukone fela . . . Lukaba mane ni kufita mizwale ka mali ni likezeli. Leo kona lilato le li lukela kuba mwa lipilu za luna ku yomuñwi ni yomuñwi, maoyo ni likute, libe zetuna. Mi Na lata cwalo. Na lata nto ya luli yeo.

³⁰⁵ Mi fa, Muzwale Neville, ni Muzwale Higginbotham, Muzwale . . . Ni lumela kuli yani neli Muzwale Funk, mane na sa utwahali inge yena, yana file liñusa lani kwa mulaho kwani. Lani lizwile . . . lizwile ku Mulimu, mañusa ao, mulikani, luli kona ko azwelezi. Mutu kaufela yana ni temuho ya moya u ziba cwalo.

³⁰⁶ Kono ki se fa mo siinezi. Ka kutaha, Ni—Ni lata Muzwale Neville hahulu kufitela Ni nahana cwana, mwa bona. Hani—Hani tabelangi kubulela sika konji ha Nina ni se si zwa ku Mulimu ku mi bulelela. Mwabona? Mi Ni bile ni se—se ne sitile mwa pilu yaka, mwendi mazazi amabeli kamba amalalu kwa mulaho, mi Ne ni si ka si balisisa hahulu konji maabani busihu, na apula Mañolo alikani fela. Kona ha Ni ti lo si tulukisa. Si zwile mwa mazoho aka cwale. Mwa bona? Kaufela se mu eza ka sona, foo ki, zeo likaitinga, ku mina, mwa bona. Kono si zwile mwa lizoho laka.

³⁰⁷ Kono, Muzwale Neville ni Na, luinzi fela ona cwalo. Haiba Ni taha kwanu, ku to—ku to bulela fela fa nako nyana, ni nto yeñwi yecwalo, ni Muzwale Neville inza nani liñusa le li zwa ku Mulimu, Ni ka ina fela fafasi. Eeni, kiniti. Ni ka fa sibaka kwa liñusa la Mulimu, kamita. Mwabona? Cwalo kona mo lu ezanela ku mañi ni mañi. Mi leo kona libaka ha Ni bulela kuli Nika . . . Haiba—haiba Mulimu ha ni fi sika, konakuli, mwendi, kubulela fela, mi haiba Mulimu ufa Muzwale Neville sika kaufela, mi Na niteni fa katala fa, la Sunda kakusasana,

la Sunda busihu, kamba ki lili kaufela, Muzwale Neville ukaba fela, ukaba muzwale yomunde ona cwalo, ukona kutaha kuna, uli, “Muzwale Branham, Ni lumela kuli u mutanga Mulimu, kono Mulena u ni file fela liñusa.” Uka eza cwalo, nji cwani? [Muzwale Neville uli, “Amen.”—Mu.] Eeni, sha.

³⁰⁸ Ne ni ka eza zeswana ku yena, haiba na ka kutaza. Ne ni kali, “Muzwale Neville, ni swalele? Mulimu uni file liñusa. Ni lukela ku libulela kwa sicaba, onafa cwana.” Mi yena, Muzwale Neville, na ka zwa mwa nzila kapili; mañi wa luna kaufela, kusiyela yomuñwi sibaka. Mwabona? Kona mo lu ezezanga cwalo. Mi cwale haiba luna, haiba Hanina sika cwalo, kipeto Ni . . .

³⁰⁹ Ni tabelanga fela ku mu utwa ha kutaza. Ne ni kile na mu utwa. Ki ba bakai bene ba mu utwile, la Sunda busihu? Ha ki liñusa kwa bunde ni leo, Na mi bulelela. Ne li zamaelezi hande luli, ni sene si bulezwi kakusasana.

Mi, sicaba, Na mi bulelela, muna ni Linzwi la Mulimu kulikani kuli mupile ka swanelo mi mube ka swanelo.

Mulimu aku fuyole cwale, Muzwale Neville.



SISUPO SA NITI SE SI SIKA LEMUHIWA LOZ61-1112

(A True Sign That's Overlooked)

Liñusa le ka Muzwale William Marrion Branham, neli kutalizwe lwa pili mwa Sikuwa la Sunda kakusasana, Njimwana 12, 1961, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org